

駢語雕龍

一





A decorative border with a repeating pattern of stylized clouds and a horse at the top. The horse is depicted in profile, facing left, with a detailed mane and tail. The clouds are rendered in a traditional Chinese style with swirling, scalloped patterns. The border is thick and black, framing the central text area.

龍 雕 語 駢

(一)

著 章 日 游
注 勤 世 林

駢語雕龍序

長洲 張獻翼幼子 撰

先民有作文苑如林。賴以爲資。取其適用。孰有踰於秩文類聚及初學記二書者乎。然類聚博矣。未及於對偶。學記對矣。未及於駢語。逮觀莆陽太守南荆游公雕龍。得晉安太學林若天懋註釋。豈惟游氏之青箱。其類書之黃絹耶。余覽不終篇。如宮商雜奏。並出雅音。丹素互施。悉呈豔績。乃知山自介丘。以至崔嵬。山之全也。而天台特標其異。海自涓流。以至迴洑。水之全也。而鯉壑特著其靈。是以游赤水之津。所見無非珠。而夜光獨耀於目。登荆山之麓。所見無非玉。而垂棘獸駭於魂。越允之治。無鈍劍。而湛盧著其用。周穆之廐。無凡馬。而奔霄擅其雄。至寶必稀。用多爲拙。闡諸人文。誰曰不然。若林君者。授玄肖諸童烏。屬草方之文考。單精秩藻。鬱志儒林。糟粕城旦之書。寤寐竹帛之業。一經口誦。允爲腹笥。旁通柱下。流覽稗官。左史尙其能讀。東方詎云足用。子政謝其博極。中郎慙乎該綜。茲乃述匠心之源。究作者之概。亡異元凱之詮左傳。子玄之釋南華。文得註而始明。游藉林而益傳者矣。他日開東觀延賢之閣。置金馬著作之庭。振露羽于彤階。奏鳳音於清廟。詎可量哉。余昔樞侍尊公大宗伯對山先生。見庭訓肅然。義方惕若。固知君之宗其家學。濟其世美。而光紹四公。雕龍之慶。有以也。余學非半豹。才乏全牛。而中年爲太學游士。前

後司成公拔於諸生之中。隆以國士之顧。空其冀北。勵以圖南。况君之學之才。余稱長友者耶。君將卒業。成均。遨遊璧水。其鑿以偉器。期以千里。倒屣之接。推轂之獎。又當何如。

萬曆戊申孟春穀旦

註駢語雕龍書目

經部凡七十種

○易經註疏

京房易飛候

易通卦驗

歸藏啓筮

○尙書註疏

尙書大傳

尙書中侯

尙書帝驗期

周書

○毛詩註疏

毛詩疏義

詩含神霧

韓詩外傳

○禮記

大戴禮

禮記外傳

禮含文嘉

禮斗威儀

周禮

三禮圖

○春秋左傳

春秋公羊傳

春秋穀梁傳

春秋胡傳

春秋運斗樞

春秋文曜鉤

春秋考異郵

春秋佐助期

春秋元命苞

春秋感精符

春秋孔演圖

春秋合誠圖

春秋後語

○論語註疏

論語撰考識

孔子家語

○孟子註疏

○孝經古契

○班固白虎通

○晉先蠶儀疏

○邢昺爾雅疏

稽含草木狀

陸機草木蟲魚疏

徐衷草物狀

陸佃埤雅

張揖廣雅

○楊雄方言

○蔡邕獨斷

李涪刊誤

○王敦詩韻會

○許慎說文

何承天纂文

服虔風俗文

陳錄善誘文

古今篆隸字體 蕭子政 ○困學紀聞 王應麟

范蜀公蒙求 范鎮

○大周樂正 劉次莊

樂計圖徵

樂緯動聲儀

陳游樂苑

樂府雜錄 段安節

南卓羯鼓錄

段安節琵琶錄

孔衍琴操

夏侯玄辨樂論

○崔沔祭議

呂大臨考古圖

經部類書

五經通義 劉向

九經補韻 楊伯岳

史部 凡二百三十四種

○司馬遷史記

○左丘明國語

戰國策

○班固前漢書

孟康漢書音義

荀悅漢紀

張璠漢記

○范曄後漢書

薛瑩後漢書

袁山松後漢書

袁暉獻帝春秋

華嶠後漢書

謝承後漢書

司馬彪續漢書

袁暉獻帝春秋

○陳壽三國志

王沈魏書

魚豢魏略

魚豢典要

張勃吳錄

許嵩建康實錄

○唐太宗晉書

三隱晉書

虞預晉書

徐廣晉書

鄧粲晉紀

劉謙之晉紀

曹嘉之晉紀

晉中興書 何法盛

續晉陽秋 檀道濟

蜀李雄錄

車頰秦書

前涼雜錄

崔鴻十六國春秋

○沈約宋書

○蕭子顯齊書

吳均齊春秋

○姚思廉梁書

丘悅三國典略

梁四公記 梁載言

○姚思廉陳書

陳紀

○魏徵後魏書

○李百藥北齊書

○令狐德棻後周書

○魏徵隋書

大業拾遺記 杜寶

隋煬帝開河記

○李延壽南史

○李延壽北史

○劉昫唐書

唐史

唐逸史

李肇唐國史補

唐德宗實錄 裴伯

唐文宗實錄 魏纂 備

大唐詔令

華嶠集詔

王勰唐餘錄

○歐宋新唐書

○歐陽脩五代史

○脫脫宋史

宋錄

宋年錄

李燾宋史長編

宋編年備要

宋四朝國史 李燾

宋史補 王昂

宋仁宗實錄 韓琦

熊克九朝通略

宋中興繫年錄

國史纂要

國史纂異 劉餗

宋孝宗會要

宋繪言集

三朝北盟會編

○宋史新編 柯維騏

○宋景濂元史

聖政編年

○資治通鑑 司馬光

通鑑綱目 朱晦菴

○帝王世紀 皇甫謐

劉向世本

○羅泌路史

樵周古史考

劉知幾史通

國史雌黃

楚史檮杌

大事記解題 呂祖謙

○王子年拾遺記

趙曄吳越春秋

子貢越絕書

九州春秋 司馬彪

張盤漢南紀

西京雜記 葛洪

東觀漢記 劉珍

三輔舊事

漢武內傳

漢武故事 班固

辛氏三秦記

三齊略記 李麟

潘岳關中記

鄴都故事 馬溫

大唐遺事

明皇雜錄 鄭處暉

開元遺事 王仁裕

天寶遺事 王仁裕

南部新書

中朝故事 尉遲偓

東齊遺事

南唐近事 鄭文寶

晉朝雜事

晉東宮舊事 張敷

漢朝雜事

東都事略

西河舊事

燉煌紀年

湘山野錄 僧文彙

涼水紀聞 司馬光

○稽康高士傳

皇甫謐高士傳

皇甫謐逸士傳

張騫文士傳

魯國先賢傳 白爽

楚國先賢傳 張方賢

華陽國志 常璩

竹林七賢傳 戴逵

廬江七賢傳 華隱

海內先賢傳 魏明帝

豫章烈士傳 徐整

益部耆舊傳 陳壽

襄陽耆舊傳 習鑿齒

廣陵耆舊傳

宋躬孝子傳

○穆天子傳

桓氏家譜

邊讓別傳

郝原別傳

晉諸公讚傳編

列異記

故事大全

應劭漢官儀

唐職林

唐職官分紀

○李肇翰林志

廣東通志

虞溥江表傳

蕭廣濟孝子傳

孔庭纂要

呂公家傳

蔡琰別傳

鄒倍別傳

○朝野僉載 張鑑

○宋名臣言行錄 朱晦菴

氏族大全

衛宏漢官舊儀

○張知白臺儀

○宋職官分紀

續翰林志 蘇易簡

山東通志

○新安文獻志

○漢末英雄記 王粲

荀氏家傳

殷氏世傳

禰衡別傳

桓溫別傳

朝野雜記 李心傳

宋名臣遺事

○漢宮闕名

漢官典職

徐騎省臺志

○翰林故事 章執宜

○大明一統志

江西通志

○鄭緝孝子傳

○劉向烈女傳

范氏家傳

鍾離意別傳

陸機別傳

孟嘉別傳

錄異傳

尚書故實 李緯

周遷輿服雜志

○唐六典

○晉官品令

金坡遺事 錢惟演

福建通志

陝西通志

○晉大康地記

輿地要覽 李和纂

周地圖記

九州要記

郭璞山海經

桑欽水經

梁載十道志

元和羣縣志 李吉甫

三輔黃圖 潘岳

三輔決錄 趙岐

長安志 宋敏求

鄴中記 陸倕

洛陽伽藍記 楊街之

襄陽記 習鑿齒

盛弘之荊州記

皮零武昌記

庾仲淮湘州記

劉澄之豫章記

王孚安成記

建州圖經 陳昭裕

會稽典錄 虞預

周處風土記

桂林風土記 其休符

沈懷遠南越志

蠻貊志

永初山川記 劉澄之

宜都山川記 袁崧

天台山記

羅浮山記 郭之義

白鹿洞志 鄧廷綸

雍洛靈異

嶺表錄異 劉恂

東方朔十洲記

關駟十三洲記

眞臘國風土記 周達觀

林邑國記

郭延生述征記

戴延之西征記

劉郁西使記

荆楚歲時記 宗懷

○玉燭寶典 杜憲編

史部類書

杜佑通典

李宗諤續通典

蘇冕會要

崔琦續會要

鄭樵通志略

文獻通考 馬端臨

子部凡一百七十八種

子思子 孔伋

荀子 荀况

孔叢子 孔鮒

文中子 王通

鬻子 鬻熊

老子 李耳

列子 列禦寇

莊子 莊周

鷗冠子 楚隱人

王孫子

尸子 尸佼

符子 符明

管子 管夷吾

慎子 慎到

韓非子

魯連子 魯仲連

燕丹子 燕太子

尹文子

鄧析子

公孫龍子

墨子 墨翟

隨巢子

鄒子

淮南子 劉安

子華子 程本

炙轂子 王觀

傅子 傅玄

猗犴子 元結

金樓子 梁元帝

○晏子春秋 晏嬰

呂氏春秋 呂不韋

虞氏春秋 虞翻

揚子法言 揚雄

賈誼新書

劉向新序

劉向說苑

諸儒鳴道集

○桓寬鹽鐵論

桓譚新論

徐幹中論

王充論衡

○馬總意林

虞喜志林

東坡志林

○劉劭人物志

張華博物志

應劭風俗通

○王定保摭言

北夢瑣言 孫光憲

○沈括筆談

釋常談

東軒筆談

國老閑談

楊文公談苑 楊億

孫升談圃

劇談錄 康駘

陸賈新語

量氏客語 吳玘之

劉公佳話 章綯

道山清話

○劉孝標續世說

○劉向別錄

芝田錄

春明退朝錄

李元綱厚德錄

杜陽雜編 蘇鶚

翰府名談 劉登

國老談苑

李薦師友談記

○唐語林 王彥

唐新語 劉肅

韓琦家語

賓客佳話 章綯

捫虱新話 陳善

盧氏雜說 盧晉

韓魏公別錄

歸田錄 歐陽脩

幕府燕閑錄 畢仲詢

趙令時侯鯖錄

○崔豹古今註

澠水燕談 王闢之

楊公玠談藪

賈氏談錄 張洎

朱文公語錄

世說新語 劉義慶

石林燕語 葉夢得

玉壺清話 僧文瑩

漁隱叢話 胡仔

螢雪叢說 俞成

王曾筆錄

倦游錄

王明清揮麈錄

○趙善瑋自警編

馬縞中華古今註

鐵圍山叢談 蔡絛

後山談叢 陳師道

晉公談錄 丁謂

宋齊語錄 孔思尚

魏晉世語 郭頌

○隋唐佳話 劉餗

高齋清話

因話錄 趙璘

樵人直說

吳曾漫錄

倦游雜錄 張師正

邵氏閒見後錄 邵伯溫

方勻泊宅編

○東方朔神異經

劉義慶幽明錄

徐鉉稽神錄

平寶搜神記

續搜神記

東陽無疑齋諧記

吳均續齊諧記

王球冥祥記

何法盛徵祥記

郭憲洞冥記

郭氏玄中記

李翱卓異記

任昉述異記

劉敬叔異苑

青箱雜記

呂源明家塾記

黃氏日抄黃質

避暑漫抄陸游

容齋隨筆

容齋續筆俱洪邁

學齋佔畢史繩祖

遜齋閑覽陳正敏

東齋記事范鎮

曾肇行述

雲溪友議范摯

顏氏家訓顏之推

鶴林玉露羅大經

龍劬鳳髓張文成

幽閑鼓吹張固

酉陽雜俎段成式

溫庭筠乾膺子

程大昌備邊對

張端義貴耳集

○中吳紀聞

洛中紀異

○辰史

塵史王得臣

○馮鑑續事始

事物紀原高承

○館閣書目陳騏

○孫氏瑞應圖

○白澤圖

龍魚河圖

河圖著命論

河圖括地象

○齊民要術賈思勰

環濟要略

汜勝之書

○伯樂相馬經

陶朱公養魚經

洪芻香譜

無文錫茶譜

煎茶水記張又新

○甘德天文占

石申甫星經

郭璞列星圖

陶弘景星經

黃子發相雨書

吳範占候訣

師曠占

○黃帝出軍訣

太公六韜

太公陰謀

太公金匱 俱呂望

司馬法 穰苴

武經七書

司馬彪戰略

太白陰經

○抱朴子 葛洪

列仙通鑑

劉向列仙傳

茅君內傳 李遵

上清隱書 龍文經

圓覺經

淨惠禪師語錄

景德傳燈錄 晉道原

子部類書

白孔六帖 白居易孔傳

徐堅初學記

藝文類聚 歐陽詢

事文類聚 祝穆

太平御覽

太平廣記 俱李昉

冊府元龜 王欽若

韻府羣玉 陸時龜

玉海 王應麟

事物淵海

古今說海 陸樞

四十家小說

山堂考索 章俊卿

皇朝類苑 江少虞

事類賦 吳淑

合璧事類

錦繡萬花谷 孫翰

澠雋 林越

集部 凡一百九十四種

荀况集

屈原離騷

宋玉集

王褒集

谷永集

揚子雲集 揚雄

史岑集

馮衍集

班孟堅集 班固

張衡集

趙壹集

魏文帝集

卞蘭集

傅咸集

成公綬集

左太冲集 左思

孫興公集 孫綽

宋孝武帝集

王融集

孔稚圭集

劉孝儀集

徐僕射集 徐陵

班婕妤集

蔡中郎集 蔡邕

王文考集 王延壽

陳思王集 曹植

夏侯玄集

應亨集

夏侯孝若集 夏侯湛

陸士衡集 陸機

庾闡集

臨川內史集 謝靈運

溫子昇集

江文通集 江淹

始興內史集 蕭子範

慮思道集

鄭康成集 鄭玄

崔長岑集 崔駰

魏武帝集

王仲宣集 王粲

諸葛武侯集

山公啓事 山濤

潘黃門集 潘岳

張孟陽集 張載

殷荊州集 殷仲堪

謝氏蘭玉集 謝惠連

邢子才集

裴子野集

西山集 庾肩吾

江總集

馬融集

崔子玉集 崔瑗

魏武奏事

劉公幹集 劉楨

傅玄集

張茂先集 張華

杜育集

劉太尉別集 劉琨

袁山松集

鮑川軍集 鮑照

劉繪集

陸太常集 陸倕

沈炯後集

唐太宗集

稽亮集

蘇味道集

李嶠集

搜玉小集 崔融

姚元之集 姚崇

宋景集

張燕公集 張說

四曲江集 張九齡

唐玄宗集

許敬宗集

駱賓王集

楊盈川集 楊炯

李翰林集 李白

杜詩千家註 杜甫

王朝川 王維

岑嘉川集 岑參

宋之問集

陳子昂集

盧綸集

元稹聲集

陸宣公集 陸贄

錢考功集 錢起

韓文公集 韓愈

柳子厚集 柳宗元

李華集

常袞集

彭陽唱和集 劉禹錫

白氏長慶集 白居易

元氏長慶集 元稹

裴晉公集 裴度

王中和集 王建

樊川集 杜牧

蔣防集

丁卯集 許渾

嵐齋集 李暉

姑臧集 李德裕

追昔游集 李紳

孫逖集

玉谿生集 李商隱

臨淮集 武元衡

張鷟集

胥臺集 皮日休

雲臺編 鄭谷

姚少監集 姚合

童蒙集 權德輿

香奩集 韓偓

李司空論諫集 李紳

鑣冰集 殷文奎

殷文奎啓註

于公異奏記

宋仁宗集

宋孝宗集

楊文公集 楊億

李昉集

歐陽文忠公集 歐陽修

楊誠齋集 楊萬里

豫章集 黃庭堅

韓魏公集 韓琦

嘉祐集 蘇洵

蘇文忠公集 蘇軾

蘇轍城集 蘇轍

孫文懿公集 孫抃

鴻慶集 孫觀

程明道集 程顥

程伊川集 程頤

呂太史集 呂祖謙

李至集

朱文公集 朱晦菴

胡文恭公集 胡宿

王文岐公集 王珪

胡澹菴集 胡益

曾南豐集 曾鞏

王臨川集 王安石

范文正公集 范仲淹

范忠宣公集 范純仁

晏臨川集 晏殊

呂正獻公集 呂公著

周益公集 周必大

汪浮溪集 汪藻

玉溪集 呂大臨

翰苑制草集 周翰

淇水釣翁集 李清臣

青瑣集

宋元憲集 宋庠

宋景文集 宋祁

徂徠集 石介

慶湖遺老集 賀鑄

小畜集 王禹偁

毗陵集 張守

寶晉集 米芾

樓攻媿集 樓鑰

柯山集 張文潛

草堂集 魏野

睢陽子集 孫復

臆說前後集 李君房

野處猥稿 洪邁

張子野詞 張先

應陵詩註

集部類書

文苑英華

宋明宗文章志

藝文文章志

丘澗之文章錄

漢文選

唐文粹

宋文鑑

元文類

歷代名臣文疏

四六會編

徐譜賦苑

古今箴銘集

樂府集

徐仲雅宮詞

六朝詩

唐百家詩

唐本事詩

宋詩

全唐詩話

古今詩話

司馬溫公詩話

珊瑚鈎詩話

後山詩話

高齋詩話

王直方詩話

唐寅詩話

西清詩話

文酒詩話

宋朝詩話

詩話總龜

右書目乃侍先宗伯於京邸時註雕龍所引用者。迨戊寅書樓燬于火。凡充棟者悉煨燼矣。惟是軼賈諸山房。幸無恙。蓋當時或得之全部。或得之類書。皆不可考矣。今自註中所標而錄之分爲四部。共六百七十六種。非以誇博也。聊爲醒眼之助云爾。豚窠生林世勤識。

駢語雕龍目錄

天地類

星

露

君臣類

皇帝御極

藩王

宸翰類

御製

宴饗類

御宴

官制類

三公

駢語雕龍目錄

老人星

雪

聖壽

宗子

御書

茶

太師

雲

河

誕皇子

愛君憂民

酒

太傅

雨

教儲

薦賢

太保

左右丞相

平章事

參知政事

開府議同三司

特進

留守

尙書令

中書令

吏部尙書

吏部侍郎

吏部郎中

戶部尙書

司徒

戶部侍郎

禮部尙書

禮部侍郎

兵部尙書

兵部侍郎

刑部尙書

刑部侍郎

工部尙書

司空

工部侍郎

工部員外郎

翰林院

翰林學士

翰林學士承旨

直學士院

侍讀學士

國史院

監修國史

編修官

著作郎

著作佐郎

祕書監

祕書丞

祕書郎

校書郎

國子祭酒

國子司業

國子監丞

國子博士

太學博士

國子助教

太學助教

太子太師

太子少師

太子太傅

太子少傅

太子太保

太子少保

太子詹事

諭德

司經局

家令

宮僚

御史臺

御史中丞

侍御史

殿中侍御史

治書侍御史

監察御史

諫院

左右諫議大夫

左右司諫

左右補闕

左右拾遺

樞密院

樞密使

同知樞密院事

樞密副使

節度使

防禦使

宣撫使

宣慰使

安撫使

經略使

登聞鼓院

集賢院

太常卿

太常少卿

制科類

知貢舉

狀元

進士及第

文學類

文士

博記

勤學

不學

著作類

著書

詩

箴

銘

頌

贊

春秋傳

歷代史

音樂類

樂

歌

舞

宮室類

宮殿

第宅

瑞物類

靈芝草

龍涎香

冠服類

衣

袍

裘

冠

帽

巾

帶

笏

履

珍寶類

金

玉

珠

錢

錦

絲

器用類

扇

農桑類

親耕

物類類

麒麟

馬

兵旅類

征敵

燭

親蠶

騎虞

魚

僧叛

禾

白鹿

克敵

麥

白兔

歸美

駢語雕龍卷之一

椰瑯 王世貞元美 選

莆陽 游日章學綱 著
晉安 林世勤天懋 註

星

北斗爲天官之喉舌。

范曄後漢書李固曰。陛下之有尙書。猶天之有北斗。北斗爲天喉舌。尙書亦陛下喉舌。

東壁燦上帝之圖書。

陶弘景星經曰。東壁天下圖書之祕府也。明則圖書集。道術行。小人退。若

子策馬更見於王良。

史記曰。漢中四星曰天駟。旁一星曰王良。王良策馬車騎滿野。

騎尾已驚於傳說。

莊子曰。夫道可傳而不可得。得而不可見。傳說得之。以象武丁。奄有天下。乘車維騎箕尾。而比於列星。

賢人百里。顯太丘之啓昌。

檀道鸞續晉陽秋曰。陳仲弓從諸子。誦造荀父子。子時。德星聚。太史奏五百里賢人聚。後漢陳寔傳曰。寔字仲弓。爲太丘長。

益部二星。協李邵之觀象。

後漢書曰。

和帝分遣使者至州郡。觀採風謠。有二使到益州。邵曰。二君發京師。已知朝廷遣二使。使問何以知之。邵云。前有二星。向益州分野。

河中五老。

論語載仲尼曰。吾聞帝堯率舜等。遊首山。觀河濱。有五老。飛爲流星。上入於昴。

魁下三台。春秋

運斗樞曰：北斗七星，第一天樞，二旋，三機，四樞，五衡，六開陽，七搖。斗柄指而天下春。羅冠子曰：斗柄指東，天下皆春。大火中而寒暑退。左傳曰：火

中寒暑乃退。註云：心以季夏昏。客星入市，慨京房之自明。謝承後漢書曰：吳郡周敏，師事京房，房為石顯所譴，繫獄，房謂敏曰：吾死後四十日，客星必入市，即吾無辜之驗也。後果然。太史

告侵，驚嚴光之共臥。會稽典錄曰：漢建武五年，詔徵嚴光命宴，會暮留宿，光以足加上。其夜客星犯天子宿，明且太史以聞，上曰：昨夜與嚴子陵共臥耳。戴入時稱於單父。孔子家語曰：巫馬期為單父令，戴星

出入以不出，預卜於南郊。豫章烈士傳曰：周騰為御史，桓帝欲祀南郊，騰曰：今宮中策馬星不動，帝何出焉？忽太子卒，遂止。助月而明，顯在位之賢者。孫氏瑞應圖曰：景星者，大星也，狀如半月，

生於晦朔，助月為明。麗天垂象，降多壽於萬人。運斗樞曰：天樞得則景星見，衡星得則麒麟生，萬人壽。易則淪精於蕭何。春秋佐助期曰：蕭何稟昂精而生，歲常降

靈於方朔。漢武故事曰：四王母使者至，東方朔死，上問使者，對曰：朔是木帝精，為歲星，下遊人間，以觀天下，非陛下臣也。

老人星

金行貫絃，四方金顯氣肅乎西成。前漢禮樂志曰：秋歌四顯，顯，天白氣也。文粹曰：四成，四方成天也。珠緯纏空。唐楊炯渾天賦曰：五緯連珠。祥耀麗乎南極。星經曰：祥

晉天文志曰：老人星，斗樞之說，散翼垂芒。運斗樞曰：老人星，見常散翼垂芒。石氏之占，澄霞助月。星占曰：星出澄霞助月，則主人君壽。唐武三思賀表曰：澄霞助月，非唯石氏之占，散翼垂芒，何

獨斗極。萬人君之壽。既稽元命之圖。春秋元命包曰。嘉星孤北指一大星爲老人星。平則見。見則王壽。晉以秋分候之南郊。表天下之安。又見西京之志。前漢天文志曰。

張北有大星曰老人星。

雲

翼鳳而起。

晉陸機賦曰。翼靈鳳於蒼梧。起滯龍於潢汙。

從龍以飛。易曰。雲從龍。

北陛唱名。忽來太史之奏。

宋韓琦家語曰。宋仁宗試進士。韓魏公名在第二。時唱一甲方終。太史奏五色雲見。

從官皆賀。

西方仰視。預察賢人之藏。京房易飛候曰。視西方有大雲五色。其下賢人隱也。

登臺上而紀書。

左傳曰。凡分至啓閉。必書雲物。遂登觀臺以望。而書。計云。分春分秋分。至冬至夏至。啓立春夏閉立。

秋。視日旁以知吉。

周禮曰。保章氏以五色雲物辨吉凶之視象。視日旁雲氣。青爲蟲。白爲喪。赤爲兵荒。黑爲水。黃爲豐。

非夾日之赤烏。無事令尹之移。

左傳曰。魯哀公五年。有雲如衆赤烏。夾日。

以飛。三日。楚使問周太史。太史曰。其當王身。若祭之可移於令尹。司馬王曰。除腹心之疾。而實諸股肱。何益。終不祭。孔子曰。楚昭王知天道矣。不失國宜哉。

異國軫之蒼霓。何須唐史之畫。

春秋文耀鉤曰。楚有蒼霓如霓。

圓軫七蟠。中有荷斧之人。向軫而蹲。於是唐史畫遺灰而雲滅。

帝鄉仙馭。莊子曰。華封人謂堯曰。天下有道。與物皆昌。千歲厭世。去而上仙。乘彼白雲。至於帝鄉。

高唐麗形。

宋玉高唐賦敘曰。楚襄王與宋玉遊雲夢之臺。上有雲氣。須臾。

之間。變化無窮。王曰。此何氣也。玉曰。朝雲也。昔者先王嘗遊高唐。晝寢。夢婦人曰。妾巫山之女也。聞君遊高唐。願薦枕席。王因幸之。去而辭曰。妾在巫山之陽。高唐之側。朝爲行雲。暮爲行雨。旦朝視之。如曾。故爲立廟。號曰朝雲。方升堂而見黃。稱

為舜瑞。春秋孔演圖曰舜將興黃雲升於堂。觀入房之生白端作湯祥。孔演圖曰湯將興白雲入於房。望冠纓之儼容。易通卦驗曰寒雲正陰雲出如冠纓。驚林木之為

狀。卦驗曰冬至陽雲出箕如樹木之狀。宮闕構象彰漢祖封山之奇。漢郊祀志曰武帝封泰山夜有光晝有白雲起於封中。車蓋亭空肇魏文毓秀之瑞。魏書曰文帝時有

雲氣青色而圓如車蓋當其上望氣者以為至貴之證。堯實起於沉璧。尚書中侯曰堯沉璧於河白雲起迴風搖落。成則浮於觀河。禮斗威儀曰周

非人臣之氣魏文帝詩云西北有浮雲亭亭似車蓋。堯實起於沉璧。尚書中侯曰堯沉璧於河白雲起迴風搖落。成則浮於觀河。禮斗威儀曰周

河青雲浮於河燃石聞香。王子卜拾遺記曰關石色紅如肺燒之有香烟聞數百里煙氣升天則成香雲香雲灑潤則成香雨。王母奏瑤池之曲每

聞受觴明君。穆天子傳曰天子觴西王母於瑤池之上王母為謠曰白雲在天丘陵自出道理悠遠山川間之。漢皇興豐沛之歌胡為徒想猛士。史記曰漢高祖過豐沛擊筑自為歌曰大風起

兮雲飛揚威加海內兮歸故鄉安得猛士兮守四方。晉書曰樂廣有丰姿衛瓘曰此人若披雲霧而視青天。見白日之姜公。徐幹中論曰文王遇姜公於渭陽灼然如披雲見白日。彩繞松

上之浮車。宋書曰宣太后陵前後有光及五色雲又五彩雲在松上如車蓋。黃淵宮中之寶鼎。漢書曰武帝迎汾陰鼎至甘泉宮黃雲蓋其上。金枝玉葉。崔豹古今注曰黃帝與蚩尤戰于涿鹿之野常有五色雲金枝玉葉止於帝上。鄒青雉之臨營。吳範占候風氣訣曰有青雲如雉兔臨城禁軍敗走。繡文錦章。晉成公綬賦曰或繡文錦章依微要妙綿遠如虛輕翔浮深。慨丹地之

隨後。兵書曰有雲如丹雘隨星後大戰殺將。紛綸絢彩散赤水之餘霞。輿魚河圖曰崑崙上有五色水赤水之氣上蒸為霞。煥衍騰文凝吉雲之曉露。邪憲洞冥記曰東方朔遊

吉雲之地。武帝問何名吉雲。期曰。其俗常以雲箱占吉凶。若吉樂之事。則滿室雲起五色。照著於草樹。皆成五色。冀帝曰。可得否。期乃東走。至夕而還。得玄黃青黑。盛之琉璃器。以授帝。帝獨賜軍臣。得者老皆少。疾病皆愈。

雨

樊英嗽水于西向。東起多雲。

楚國先賢傳曰。樊英隱於廬山。書有暴風從西南起。英謂學者。成都市火甚盛。因舍水西向嗽之。乃記其時日。後有從蜀來者云。是日大火。有雲從東起。須臾大雨。火滅。

樂巴嘔酒

於南方。北來有氣。

萬洪神仙傳曰。樂巴蜀人。徵尚書郎。大朝。得酒不飲。四方嘆之。詔問巴。臣曰。本縣成都大火。臣以酒爲雨而救之。帝驛問。成云。雨從北來。有酒氣。

唱淋鈴於蜀道。

明皇雜錄曰。上初入斜谷。屬淋雨。涉

於棧道。聞鈴聲與山相應。上悼念貴妃。因采其聲爲雨淋鈴曲。以寄恨。

聞奏鼓於劉城。

梁任昉述異記曰。廬山有康王谷。北嶺有劉城。天每欲雨。山上輒有鼓角之聲。村人以爲候。

辨獄五原。恩傳益郡之

呼。唐德宗實錄曰。顏真卿爲監察御史。充河龍使。五原有獄。久不決。真卿至。立辨之。天方旱。默決乃雨。郡人呼爲御史雨。

出巡東海。瑞應行車之隨。

謝承後漢書曰。百里嵩爲徐州刺史。境旱。嵩出巡。處甘雨。輒澍。東海祝其

合鄉等二縣。父老訴曰。某等是公百姓。獨不暹降。乃暹赴之。雨隨車而下。

鞍上飛雲。

宋水初山川記曰。鄆陽長壽山。形似馬。白雲出於鞍中。崇朝而雨。

洞中鞭石。

盛弘之荊州記曰。俱山縣有一山。獨立峻絕。西北有石穴。以燭行百步許。

有二大石。俗名陰陽石。旱鞭陰石則雨。鞭陽石則晴。

諒輔聚艾。驗仰呪於須臾。

後漢書曰。諒輔任郡爲五官掾。時夏大旱。太守祈無應。輔乃呪曰。輔爲股肱。不能遂諫。納忠。至今天地否隔。告要在輔。乞以身塞。於是積薪聚艾。茅以自

環。構火將自焚。未及。須臾密雲澍雨。

戴封積薪。起嘆服於遠邇。

謝承後漢書曰。戴封運西華令。時大旱。封乃積薪坐其上。自焚。火起而大雨。遠邇嘆服。

玉女披衣於涌氣。王孚安成記曰。梓潼四城津有

玉女圓。天常雨。輒先通五色。氣於石間。俗爲玉女披衣。

雷君出裝以西行。

焦贛易林曰：雷君出裝。隱隱西行。霖雨不止。流爲江河。

得粟爲襦。恩歸造物。

宋蘇軾喜雨亭記曰：使天而雨。寒者不得以爲襦。

使天而雨。玉饑者不得以爲粟。一雨三日。伊誰之力。民曰太守。太守不有。歸之天子。天子曰不然。歸之造物。

發苗生鮮。却斂神功。

宋韓維詩曰：已發宋苗安在。再生莊鮮。不虞枯。須臾滿。慰三農望。斂却神功。寂似無。

認天

河之洛。相雨書曰：四方北斗中無雲。惟河中。有雲三枚相連。如浴猪猪。三日大雨。

觀羣羊於卯日。

師曠占曰：五卯日。候四北有雲如羣羊者。乃雨。

五政不爽。

管子曰：春發五政。曰論孤幼。教有罪。賦爵列。控謀位。脩溝

澮。復亡人。治封疆。正阡陌。無殺戮。卯。無絕。孽。五政得時。春雨乃來。

殆非忤羅浮之神龜。

郭之美羅浮山記曰：山有懸湖。湖有神龜。龜身貫銅環。若繞此湖。卽日澍雨。

十日爲期。

易飛候曰：太平之時。五日一風。十日一雨。

獨見鳴武昌之石鼓。

皮零武昌記曰：城西有石鼓。山上有二石鼓。鼓鳴。天必雨。

商羊應節以奮躍。

家語曰：齊有一足鳥。飛集殿前。舒翅而跳。齊人訪諸孔子。孔子曰：鳥名商羊。昔童兒有屈一腳。振迅兩臂而跳。

且謠曰：天將大雨。商羊鼓舞。

石燕順時而飛翔。

庚仲淮州記曰：零陵山有石燕。遇雨則飛。如生燕。雨止。遂化爲石也。

居寺講經。乃驚視于黑水。

幕府燕間曰：有僧講經。山寺有一甍來聽。聞其名。乃

曰：某山下潭中龍也。幸歲旱。得來此聽講。曰：能救旱乎。甍曰：上帝封江湖。水不得輒用。曰：此硯中水可用乎。因吸硯水。是夕雷雨大作。遠曉視之。雨悉黑水。

登山藉草。忽解夢於白衣。

後周書曰：達奚武爲同州刺史時。旱。武祀華山

廟。武因藉草而宿。夢一白衣執武手。曰：幸甚。甚相嘉尚。武驚覺。旦而澍雨。

霖則爲巖相之輔商。

尚書曰：設樂傳巖之野。惟肖。爰立作相。高宗命之曰：若歲大旱。用汝作霖雨。

需則喻尼父之相魯。

論曰

孔子大聖也。嘗居小位。相魯三月。不令而行。不禁而止。沛若時雨之溥。萬物莫不興起也。

百穀是仰。

左傳曰：魯季武子如晉。范宣子賦黍苗。武子曰：小國之仰大國也。如百穀之仰膏雨焉。

奚事加鞭乎雷公。

淮南子曰：電以

爲鞭策。雷魏劉楨詩曰。和風從東來。玄靈起。不必致尤乎風伯。轉意頌曰。維茲之早兮。其體且不破塊。四京雜記曰。黃仲舒甘泉已飛。四山夜中發此氣。明且飛甘泉。

云。太平之時。豈惟灑枝。周處風土記曰。六月有雨。名灑枝雨。此樂方詠於未央。宋歐陽脩詩曰。誰云田家苦。此樂殊未央。安見衣生堂上。晉張載詩曰。雲根降入極。雨足西四溟。塔下伏泉滴。

堂上水尚書曰。休徵曰。時雨若。孔安國注云。君行敬則時雨順。休徵順應於曰。慮何有舟運庭中。成公綏陰雲賦曰。沉

露

本陰陽之氣。大戴禮曰。露乃陰陽之氣也。陰氣盛。則凝爲霜雪。陽氣盛。則散爲雨露。降爲神漿。隋盧思道賀表曰。神漿可挹。流珠九洩神靈之精。號爲天酒。

瑞應圖曰。甘露者。美露也。神露之精。漢武故事曰。帝承露盤上。有仙人掌。擊玉盤承露。和玉屑飲之。和以漢宮之玉屑。魏志曰。明帝鑄承露盤。長十二丈。銅龍

繞其根。立於芳林。甘露乃降。劉向說苑曰。騰蛇遊於露。千里不止。騰蛇出遊。千里不止。風土記曰。白鶴性警。至八月。露降。流於草葉上。滴滴有聲。則鳴。白鶴見滴。八月揚聲。因寒常見

於爲霜。詩含神露曰。陽氣終。白露爲霜。呈瑞既聞於如雪。宋書曰。文帝元嘉中。甘露頻降。狀如細雪。辟穀飽飲。還推姑射神人。莊子曰。姑射之山。有神人不食五穀。吸風飲露。執囊

勤求。惟見菜山童子。東陽無憂齋譜記曰。弘農郡紹。八月旦。入菜山採藥。見一童子。執五綵囊。求柏葉上露。紹問之。對曰。赤松子取之。明眼。言終不見。著水凝素。拾遺記曰。崑崙上有甘露。下著木石。則皎然如霜雪。

地騰文。梁江淹別賦曰。日出天而耀景。露下地而騰文。

含天乳之純英。郭璞列星圖曰。天乳一星在氐北。主甘露。占明潤則甘露降。

淪軒轅之積粹。禮斗威儀曰。君治政。則軒轅之積散爲甘露。溼木

自潤。表善政於零陵。

謝承後漢書曰。沈豐爲零陵太守。甘露降。青潤草木。

依樹成甘。感至孝於趙郡。

隋書曰。李德鏡趙郡柏鄉人。性至孝。丁父憂。單絰徒跣。甘露降其樹。盛在囊中。

郭延生述征記曰。八月初一。作五明齋。盛取百草頭露洗眼。眼明。

取於雲表。後漢故事曰。帝作金堂。擊玉杯以承雲表之露。

曼倩東走。夕奉琉璃之盛。漢書曰。東方朔字曼倩。諱詳。上靈注。

屈平與

辭。朝飲木蘭之墜。

楚辭曰。朝飲木蘭之墜。露夕冷秋菊之落英。

丹漿含於畢勒。

淵冥記曰。畢勒國人。長三寸。有翼。善言語。飲丹露爲漿。丹露者。日初出。有露汁如珠也。

美味傳于仙丘。

山海經曰。仙丘降露。仙人常飲之。

被蒼蒼之兼葭。毛詩曰。兼葭蒼蒼。白露爲霜。

言甘若蜜。王充論衡曰。甘露味如蜜。

寄瀼瀼之蔓草。毛詩曰。野有蔓草。零露漙漙。

其凝如脂。晉中興書

曰。甘露降。耆老得飲。則松柏受之。尊賢容衆。則竹簦受之。甘露仁澤也。其凝如脂。

五色吉雲。見上靈注。

三危美水。呂氏春秋曰。伊尹說湯曰。水之美者有三危之露。三危。四極國也。

宴諸侯而有禮。毛詩曰。湛湛露斯。

斯。匪陽不晡。厭厭夜飲。不醉無歸。

子胥何憂於沾衣。

吳越春秋曰。子胥諫吳王。王怒。胥晝歸。舉衣出宮中。曰。宮中生草。棘露沾吾衣。

獻帝朝以明休。見下註。

少孺不勞於捕雀。說苑

曰。吳欲伐荆。舍人孺子欲諫。憊憊於後園。露沾其衣。王曰。何苦露沾衣。臣曰。捕黃雀。不覺露沾衣。

零於庭而著異。

孔六帖曰。李懸爲貝州刺史。甘露凝庭樹。邑人曰。美政所致。

紀於年以標奇。漢書曰。宣帝神前年間。甘露降。後改五鳳爲甘露。

元年。二句出柳宗元表。

承以玉杯。凌漢宮而淹美。見上註。

獻之瓊爵。掩魏殿而稱珍。

曹植魏論曰。玄德潤幽。飛化上承。甘露以降。靈淨冰凝。顯陽弗曜。瓊爵

是承獻之命
朝以明聖

雪

銀盃逐馬，縞帶隨車。

韓愈詩曰：隨車縞帶，逐馬散銀盃。

始飄六出之霰。

韓詩外傳曰：凡草木花多五出，雪花獨六出。雪花曰霰。

咸喜三白之瑞。

朝野僉載曰：正月三日，白田公映嶽嶽，西北

人謬曰：要宜

梁王遊苑，授簡於大夫。

宋謝惠連賦曰：梁王不悅，遊於苑圃，俄而雪下，王乃歌北風於衝詩。詠南山於周雅，授簡命於司馬大夫曰：抽子聽思，聘子好詞，俾色播稱，爲寡人賦之。

周武建都，出

見于河伯。

太公伏符陰謀曰：武王伐紂，都洛，大雪十餘日，甲子朝有五車兩騎，止于王門，師尙父曰：南海祝融，北海玄冥，東海勾芒，西海蓐收，河伯馮脩，諸神來謁，因使謁者以名召之，神皆暫而見武王。

謝女之風中絮起。

慶世說新語曰：謝安雪日，集兒女講論文義，俄而雪驟，公曰：白雪紛紛何所似？兄子朗曰：散鹽空中差可擬。兄女道韞曰：未若柳絮因風起。

宋臣之衣上花明。

宋書曰：大明中元日，雪花降殿庭，右將軍謝莊下殿，雪集衣白。

乘輿登

舟，亦何嫌於夜渡。

唐語林曰：王子猷居山陰，大雪夜，開室命酌，四望皎然，因詠招隱詩，忽憶戴逵，時戴在剡，乘興棹舟，經宿方至，既造門而返，或問之，對曰：乘興而來，興盡而返，何必見戴。

涉行披篋，爰起號

于仙遊。

晉書曰：王恭衣鶴氅，夜繞雪行，時人謂之神仙中人。

楚謠以幽蘭儷歌。

宋玉賦曰：援琴而鼓，爲幽蘭白雲之曲。

曹風以麻衣比色。

毛詩曰：緜緜掘閱，麻衣如雪。二句出謝惠連賦。

乘輿

高唱，昆明駭視於周王。

拾遺記曰：周靈王起昆明之臺，召諸方士，有二人乘飛遊之臺上席，酌醉時赤旱地裂，一人能以歌召雪，於是引口一吸，則雲起雪飛。

著木成甘，蟻州致貢于王母。

拾遺記曰：穆王東至大嶽之谷，四王母來遊，瓊州甜雪，瓊州去玉門三千里，地寒多雪，著草木皆融而甘，可以爲果。爲瑞每聞其盈尺，謝惠連賦曰：盈尺則呈瑞於豐年，表丈則表滂於陰德。應時不必於封條。

四京雜記曰：董仲舒曰：太平之世，雪不封條，凌冽毒害而已。**鹽虎凝形**。宋韓魏公詩曰：老石蓋深，鹽虎陷冷枝，擊重玉龍寒。高臥遂袁安之志。晉宋錄異傳曰：大雪丈餘，洛陽令身出案行，見民家皆除雪，至袁安門，無有行路，謂

安已死，除雪入戶，見安僵臥，問何不出，安曰：大雪人皆餓，不宜干人。**玉龍高戰**。張元昊詩曰：戰退玉龍三百萬，敗殘鱗甲滿天飛。露寢慰焦先之心。皇甫謐高士傳曰：焦先世莫知所出，野

人以爲死，**瓊樹賦於惠連**。謝惠連賦曰：庭引瑤樹，林植瓊樹。**瑤華詠于子野**。梁裴子野詩曰：拂草如連蝶，落樹似飛花，若贈離居者，折以代瑤華。東郭迹困，甘踐地而忘

憂。史記曰：東郭先生久待詔公車，貧困饑寒，履有上無下，行雪中，足盡踐地，道中人笑之。**角哀道窮，亦併衣而無怨**。烈士傳曰：羊角哀，左伯桃，相與爲友，聞楚王好士，欲往仕，之道遇雨雪，計不俱全，乃併衣糧與角哀，入樹而死。

琴操載思華子石**文子叔怒子事同**。**青雨廣延之國**。拾遺記曰：廣延國，在扶桑常雨青雪，冰霜之色，皆如紺碧。亦布河陰之區。晉朝雜事曰：太康七年，河陰雨赤雪二頃。當空初認散鹽。見上注。

入夜猶能嘆字。宋齊語錄曰：孫康家貧，常映雪讀書。**烹茶燕妓，何慙低唱之誇**。聖政編年曰：宋陶穀學士，買得黨太尉家妓，遇雪，陶取雪水烹茶，謂妓曰：黨家應不識此，妓曰：彼鍾人，安有此，但銷金帳中。

淺斟低唱，啜羊羔兒。**開徑延賓，喜成暖寒之會**。天寶遺事曰：巨象王元寶，每大雪，則自所居至坊巷口，掃雪開徑，迎接賓客飲宴，謂之暖寒會。景公因以發粟。晏子春秋曰：景公時，雪三

日，公被狐白之裘，晏子入，公曰：怪哉，雨雪三日，不寒，曰：古之賢君，飽而知人饑，溫而知人寒，公曰：善，乃脫裘發粟，以與饑寒者。**衛君感於負薪**。王孫子曰：衛君重裘，累茵而坐，見路有負薪而哭者，問奚故，對曰：雪下衣薄故也，於是衛君懼見顏色，曰：

爲君而不知民，孰以我爲君。乃開府金，出倉粟，以賑貧窮。

雲落豆灰，已入東坡之爐煨。

文酒詩話曰：王勉詩云：上天燒下豆稽灰，烏李從教變白梅。東坡次王仲玉云：江雲欲落豆稽灰，勉之詩近俗，入坡翁爐煨，則爲佳句。

歲飽年麥，且托永叔之歌吟。

歐陽永叔詩曰：共食終歲飽，麩麥豈恤空林饑鳥雀。

河

注斯蒲昌，分于葱嶺。

山海經曰：河源出崑崙之墟東流，潛行地下，至規期山北，流分爲兩源，一出葱嶺，一出于闐，其河復合，東注蒲昌。

激三門之險。

水經曰：禹鑿砥柱以通河水，謂之三門。

難及驪馬

之追。慎子曰：河下龍門，流駛竹箭，駟馬追不可及。

泛九河之流。

呂氏春秋曰：鉅鹿之北，遂分爲九河，一曰徒駭，二太史，三馬頰，四覆釜，五胡蘇，六簡，七深，八鉤盤，九滹津。

縱彼偃鼠之飲。

莊子曰：偃鼠飲河，不過滿腹。

大禹敬受綠字。

晉地理志曰：大禹觀於澗河，而受綠字。

黃帝喜得白圖。

河圖曰：黃帝夢兩龍授圖，乃齊詣河洛，有魚汎白圖，折溜而止，跪而授之。

碧魚啓昌，徵於中流之渡。武王

本紀曰：武王渡河中流，白魚灌入于王舟中。

黃龍呈瑞，欣於至樂之觀。

河圖曰：舜卽位，與三公臨河洛，有黃龍五采，負圖出置舜前，以黃金爲繩，白玉爲檢，章曰黃帝符璽。

投璧若晉文，結同心

於舅氏。

左傳曰：晉文公及河，子犯以璧授公子曰：臣之罪甚多，請由此亡。公子曰：所不與舅氏同心者，有如白水。投其璧于河。

沉馬如漢武，勅協力於臣工。

史記曰：漢武帝元光中，河決於瓠子，於是天子臨河，沉白

馬玉璧，令羣臣自將軍以下，皆負薪填河，而取淇園之竹，以爲鍵。天子既臨河，悼功之不成，乃作瓠子之歌。

軒皇知崑崙之開，時聞風后。

河圖曰：風后對黃帝曰：河凡有五，皆始開于崑崙之墟。

晉侯決梁

山之變，因聽伯尊。

穀梁傳曰：梁山崩，壅河三日不通。晉君召伯尊、伯驥過聲者問焉。曰：君親素絨，帥羣臣哭之，既而祠焉。伯尊至，君問之，如其言，而河流矣。

漢已亡其八枝。

事類賦註曰：呂氏春秋云：鉅鹿九河合爲一河。

以入海，齊桓公塞九河以腐田居。漢世，河決金堤，議者欲求九河故迹而穿之。班固云：自茲距漢亡其八枝也。

賈復言其三策。

漢書曰：哀帝時，賈讓奏治河有三策。若徒當水衝之人，以避之，故河使北入海，不勞人力，可以成功。謂之上策。若鑿堅地

作石堤，東西水門角，用水與土，學開東水門以溉田，水開西高門以分河，富國安人，謂之中策。苟善完故堤，增卑階薄，勞費無已，數逢此害，乃最下策也。

觀茲浩浩，甘茂歎持楫之宜。

說苑曰：甘茂使齊渡河，船人曰：河水猶澗

耳，君不能渡，何王之能設乎？甘茂曰：持楫隨流，我不若子，脫萬乘之君子不如我。

濟彼悠悠，沮受起臨舟之嘆。

魏志曰：袁紹渡河，沮授臨舟嘆曰：上益其志，下矜其功，悠悠黃河，吾其濟乎？

識三州之負

士。蓋廣濟孝子傳曰：三州人者，皆孤單，獨相約爲父子。老者因命二人於大澤中作會，且欲成，父曰：此不如河，二人復填河，二旬不立，有一書生過之，爲縛兩土，誅投河中，明日，望見河中土高丈餘。

見五老之飛星。

見上星註。

因疾

得占，豈作楚昭之祟。

左傳曰：楚昭王有疾，卜河爲祟，大夫請祭。王曰：江漢沮漳，楚之望也，河非所獲望也。

塞渠傳俗，空聞王莽之名。

史記渠書曰：河之爲災害，中國尤甚，尙書導河自積石至龍門。

又驅二渠以引河，如淳註云：二渠一出貝丘，一出臨川，王莽時廢塞，故俗謂之王莽河。

申屠負石自沉。

韓詩外傳曰：申屠狄非世，將自投于河，崔嘉止之曰：聖人民之父母也，今爲濡足之故，不救溺人可乎？申屠狄曰：昔桀殺龍逢，紂殺比干，而亡

天下，吳殺子胥，陳殺濫洽，而滅其國，非無聖知，不用故也。遂負石沉於河。

澹臺投壁而去。

水經曰：澹臺子羽，鑿千金之壁，渡河陽，侯波起，兩蛟夾舟，子羽曰：吾可以義取，不可以滅劫，操劍斬蛟，蛟死波休，乃投壁於河，三投而輒躍出，乃毀壁而出，示

無悔，混沌流出，方托孟東野之詩。

唐孟東野詩曰：誰開混沌源，流出混沌河。

激湍高凌，且就成公綏之賦。

成公綏賦曰：覽百川之弘壯兮，其尙美於黃河，滄崑崙之峻極兮，出

積石之巉巖，登龍門而南遊兮，拂華羽與曲阿凌砥柱而激湍兮，踰洛汭而揚波。

通九里以致潤。

張璠漢紀曰：郭純爲潁川太守，光武詔曰：賢能太守，帝城不遠，河潤九里，冀京師并蒙其福。

殆千年而始清。拾遺記曰：

丹丘千年一燒，黃河千年一清，皆至聖之君以爲瑞。又曰：黃河清而聖人生。

馬頰之馳波。

爾雅疏李巡曰：河勢上廣下狹，狀如馬頰，故曰馬頰。

懸觀若磬。

唐權德輿表曰：長淵浩浩，百呈如鏡。

龍門之激箭。見上註。

回眺飛空，銀潢之影橫秋。

宋周必大表曰：銀潢演闊，蓋自於源深。韻府曰：天河謂之銀潢。文選曰：霜氣橫秋。

帝臺之漿映日。

山海經曰：鍾鼓之山，帝臺之所以鳴百神也。又曰：高前之山有水甚寒而清，帝

喜之。漿，千尋清徹。唐權德輿表曰：式昭水也。靈命黃河清徹。

俯瞰明珠。

張華博物志曰：水底有鮫居，能泣珠。

一曲澄鮮。

河圖曰：河出崑崙千里一曲入海。謝靈運詩曰：空水共澄鮮。

遙觀紫貝。楚辭曰：魚

鱗屋兮龍堂，紫貝闕兮球宮。

任賢圖治，傷孔子適趙之還。

家語曰：孔子適趙，及河，聞趙簡子殺賣鳴犢及舜華，乃臨河而嘆曰：美哉，洋乎丘之不濟此命也。子貢問何謂，子曰：賣鳴犢舜華，賢大夫也，而殺之。

積德

自強，鄙武侯誇魏之喜。

史記曰：魏武侯浮西河而下，顧謂吳起曰：美哉，山河之固，此魏國之寶也。起對曰：在德不在險，若君不脩德，舟中之人皆敵國也。

皇帝御極

豐沛慰上皇之恩，鷄犬能識。

西京雜記：高祖以太上皇思豐沛，故作入新豐道路，一如豐沛人家，鷄犬皆識家。

官祿隆郡守之任，博奕可償。

漢書曰：陳遵祖父遂，宣帝徵時，與有

故，相頤博奕數頁，及宣帝卽位，遂爲太原太守，乃賜置書曰：太守官尊祿厚，可以償博矣。

太原肇基，猶懷飛鳥之感。

唐書曰：貞觀十五年，并州老人等抗表，以太原王業所因，明年登封，懇賜臨幸。上曰：飛鳥過故鄉，猶歸躑躅，況朕

太原起義，兵定天下，隆慶建業，永勸潛龍之題。類聚曰：宋太祖在潛邸，與宋王同居興慶里，時號五王子宅，本名慶坊，及景龍復小遊觀而遺忘耶。

慶宮後改，聚會黨隣，殊恩宴設於宮裏。唐書曰：興聖寺，乃高祖龍潛舊宅也。武德元年，以爲通義宮。六年，高祖臨幸，大宴羣臣，引見隣里父老，頒賜有差。徘徊鄂杜，靜思穎憶於

函中。漢書曰：宣帝爲皇曾孫，喜遊俠，調鷄走馬，數上下諸陵，周徧三輔，嘗因蓮勺函中，尤樂鄂杜之間。紫薇預占，列右席于酒舍。湘山野錄曰：宋太祖龍潛，與趙韓王遊長安，陳搏遇之，大笑，左手握太祖右手，挽太

宗曰：可酒市飲乎？太祖曰：與趙學究三人共遊，可同之。陳眺視韓王良久曰：也得非渠不得。與此既入市，韓王脚跛，偶坐席右，陳怒曰：紫微帝垣一小星，輒遽上坐，可乎？斥之，使君帝左。唐書曰：高

云：我昔在春宮，與卿俱少壯，倏忽已三十年。三府重任，昉之推。南史曰：梁武帝尅建業，霸府初開，以任昉爲記室參軍，始謂任昉曰：我登三府，當以卿爲記室，昉亦戲帝曰：我登三事，當以卿爲騎兵，以

帝善射故也，至是引昉符言焉。十年隆郭嘉之表。魏志太祖表郭嘉曰：自從征伐，十有一年，平定天下，謀功爲高，追諡貞侯。

聖壽

周武九齡之夢，見父子之至情。禮記曰：文王問武王曰：汝何夢矣？對曰：夢帝與我九齡。文王曰：古者謂年齡也。我百爾九十，吾與爾三形。召穆萬年之陳，明君臣之大義。毛詩

江漢召穆公美宣王，倪寬再拜，上符應於封山。漢書曰：武帝封泰山，還登明堂，倪寬上壽曰：癸亥宗祀，日宣重光，上元甲子，廟

戊拜稽首，天子萬年。亂永享，見象日昭，報降符應，臣寬奉觴再拜，上千萬歲壽，制曰：敬舉君之觴。

子奉觴，願無忘於在莒。

管子曰：齊桓公與管仲鮑叔牙甯戚四人飲，桓公謂叔牙曰：盍起爲寡人壽。叔牙奉觴而起曰：愿公無忘在莒時。

稽圖元命，祺壽允兆於瑞呈。見上星註。

悅諛詞，誕節曾聞於移社。

唐玄宗紀曰：明皇以生日宴百官於花萼樓下，丞相源乾曜等表請以是日爲千秋節，布於天下，咸令宴樂，移社就之。

五更未到，侍立寶慈之宮。

白虎通曰：天子

父事三老，兄事五更。王元之詩曰：太皇生日最尊榮。獻壽宮中未五更。天子捧尊仍再拜，寶慈侍立到天明。

百歲遐期，共祝長生之殿。

王元之詩曰：待漏齊應聖節筵，雲開金闕上青天。平明引入長生殿，共祝瓊雲百歲年。

誕皇子

瑤光呈貫月之祥。

河圖著命論曰：瑤光如蜺，貫月正白。感女媧於幽房之宮，生黑帝顓頊。

紫電顯繞樞之瑞。

帝王世紀曰：神農氏之末少典氏娶附寶，見大電光，繞北斗樞星，照郊感附寶孕，二十月生黃帝於壽丘。

李君下空而入夢。

王明清揮塵錄曰：宋章懿李后，忽夢一羽衣之士，跣足從空而下，云來爲汝子明年果宵昭降，而幼年每穿履襪，卽亟脫去，禁中皆呼赤脚仙。

神人捧日以寘懷。

宋史曰：太宗母昭憲皇后夢神人捧

日冥于懷，遂有娠。生帝，赤光滿室。

戲館二龍，太宗徵異。

唐書曰：太宗生於武功之別館時，有一龍戲於館門之外，三日而去。

嘉禾九穗，劉秀成名。

東觀漢記曰：光武生時，有嘉禾一莖九穗，熟境大熟，因名

秀。仙李盤根笑唐基之未大。

太平御覽因老子之母，到李樹下，生子，老子生而能言，指李樹曰：以此爲我姓，號稱仙李。後唐以老子爲祖。

猗蘭奕葉，掩漢事而有光。

漢景帝夢

一赤莖，從雲中下，張芳閣，帝覺而坐於閣上，果見赤氣如林，來蔽戶闥，乃改閣爲猗蘭閣。後王夫人生武帝，杜詩曰：仙李盤根大，猗蘭奕葉光。已上二聯，又出周必大表。

教儲

鷄鳴問寢。

禮記曰：文王爲世子時，朝於王季，鷄初鳴，至寢門外，問內侍曰：今日安否？曰：安。文王乃喜。

鶴禁通霄。

劉向列仙傳曰：周靈王太子晉，乘白鶴駐山嶺，謝時人而去。後世稱太子之駕曰鶴駕。禁曰鶴禁。漢官闕疏曰：鶴宮太子所居。

凡人不得輒入，故曰鷄禁。杜詩曰：鷄鳴問寢，鷄鳴問寢龍樓曉。

鮑魚不登，見尙父之直諫。

賈誼新書曰：文王使太公望傳太子發，發嗜鮑魚，太公不與，曰：鮑魚不登俎豆，豈有非禮可以養太子哉。

邪蒿命去。

誠博士之忠貞。

北史曰：邢峙爲博士，授太子經，廚人進食，有菜曰邪蒿，峙命去之，曰：此菜有不正之名，非殿下所食。

針刺坐氈，致規諷之益意。

晉書曰：杜錫遷太子舍人，性亮直忠烈，屢諫，怒錫太子，太子患

之後，置針着錫所坐氈中刺之。智囊寵爵，積慘刻之成謀。

漢書曰：晁錯拜太子家令，以其辨得幸太子，太子家被同智囊，錯遷御史大夫，請諸侯之罪，過削其支郡，奏上吳楚七國俱反，袁盎對曰：方今計獨有斬錯發使，赦吳楚七國

復其故地，則兵可毋血刃，於是斬東市。

壓紐祈神，爰托楚國。

左傳曰：楚共王無冢，嫡有寵子五人，乃有大事于羣望而祈曰：請神擇於五人者，當璧而拜者，神所立也。既乃與巴姬密埋璧於太室之庭，使五人齊而長入拜，康王跨之，靈

王肘加焉，子千子皆遠之，平王弱，抱而入再拜，皆陸紐闕學，龜成然焉，君子曰：連禮連命，楚其危哉。

陸入夢，遂迂房州。

唐書曰：武后欲以武三思爲太子，以問宰相，狄仁傑曰：臣觀天下未厭德云云，今欲繼統，非虛陸不可，后怒罷

議久之，謂曰：朕夢雙陸不勝，何也？對曰：雙陸不勝，無子也。天其以敵陛下乎？后感悟，即日遣徐彥伯迎王於房州。

帥師專行，乃來里克之疏。

左傳曰：晉侯使太子申生伐東山，里克諫曰：太子奉冢祀社稷之粢盛，以朝夕視君膳者

也，夫帥師專行，謀督軍旅，君與國政之所圖也，非太子之事也，師在制命而已。

分朋角勝，祇貽處俊之憂。

唐書曰：高宗上元御翔鸞閣，觀大誦，分音樂爲東西朋，使雍王賢王東朋，周王顯王西朋，角勝爲樂，郝處俊諫曰：二王尙少，當

推舉讓棗，相親如一，令分一朋，遞相誇視，非所以勸敦睦也。上適止之。

藩王

訓梓垂芳。

史記曰：周公惟康叔齒少，乃申告康叔。作梓材，言爲政之道，如梓人理材焉。

剪桐貽緒。

史記曰：唐叔虞者，成王弟，成王與叔虞戲，剪桐葉爲珪，以封叔虞。史佚請擇日，成王曰：「與之戲耳。」史佚曰：「天子無戲言，於是遂封叔虞於唐。」

周之曲阜，元子遣侯。

史記曰：成王封伯禽於曲阜，曰魯。毛詩曰：叔父建爾元子俾侯于魯。

漢之平臺，恭王襲父。

漢書曰：梁孝王武，以孝文四年，徙爲淮陽王。於是大治宮室，爲復道，自宮連屬於平臺。

恭王餘，以孝景二年立爲淮陽王，好治宮室，壞孔子舊宅，以廣其宮。聞鼓琴琴瑟之音，遂不敢壞。壁中得古文經，註已上六句，出魯澤王制。

寶玉分以厚伯叔。

尚書曰：武王乃昭德于異姓，之邦分寶玉于伯叔之國。

服膳施而

親弟兄，荀子曰：以服膳之禮，親弟兄之國。

設醴尊賢，誰如楚國之敬。

漢書曰：楚元王交，高祖弟也。元王敬禮申公等，穆生不嗜酒，元王常爲設醴。及王戊即位，忘設焉。穆生退曰：「醴酒不設，王之意怠，不去楚，將錯我於

市，遂謝病去。

舞袖小舉，終益桂陽之封。

漢書曰：長沙定王發，景帝二年立。應劭註曰：景帝後二年，諸王來朝，有詔更前稱壽歌舞，定王但張衣袖小舉，左右笑其拙，上怪問之，對曰：「四臣國小地狹，不足同旋，帝乃以武陵零陵桂陽益焉。」

宗子

葛藟刺同姓之寡恩。

毛詩曰：綿葛藟，在河之滸。刺桓公之棄九族也。

麟趾昭公子之遵化。

毛詩曰：麟之趾，振振公子。于嗟麟兮。美公子皆信厚如麟趾之時也。

玉階之揖，司

儀特別於寵榮。

周禮曰：司儀掌九儀之賓客，擯相之禮。王，士揖庶姓，時揖異姓。天揖同姓。後漢書曰：東平王蒼升殿，乃拜天子親答之。

金路之封，巾車致隆於尊貴。

周禮曰：金路，鈎樊。纁九，建大旂以封。

同姓，巾車掌公車之政令者。杜氏通典曰：漢文帝問東平王有路爲是特賜乎？鄭稱對曰：天子五路，金路以封同姓，非特賜也。

滕薛爭長，終宗盟之當先。

左傳曰：滕侯薛侯來朝，爭長。公使羽父請于薛侯曰：周之宗盟，異姓爲後。君若

尋覓，寡人則願以滕君爲請。薛侯許之，乃長滕侯。

濮燕同生，誇登科爲第一。

事文類聚曰：英宗在濮邸，與燕王宮族人世雄厚善。兩家各生，同年月日時，是爲神宗，而世雄之子令鏞也。後卽帝位，令鏞進士及第，爲宗室登科第一。

維城詠於宗子。

毛詩曰：大宗維城。宗子維城。

遞驛訪於東平。

後漢書曰：東平王蒼，肅宗卽位，朝廷每有疑政，輒驛使諮問，蒼悉心以對，皆見納用。

三閔大夫，甘守汨羅之節。

曰：屈原與楚同姓，仕於懷王，爲三閔大夫。與王譏國事，謀行職備，王甚任之。同列上官大夫及用事，臣靳尚妬害其能，共譖毀之。王疏屈原，原心煩亂，遂沉汨羅而死。

中山公子，永存魏闕之思。

莊子曰：中山公子牟曰：身在江湖之

上，心居魏闕之下。

樂豫進言，欲培公樹之枝葉。

左傳曰：宋昭公將去羣公子，樂豫不可，公族公室之枝葉若去之，則本根無所庇廕矣。

呂氏呈譜，乃重帝系之本根。

宋呂祖謙

乘車齊於編人，陋漢家之混於異姓同姓之辨。

後漢書曰：光武自宗室諸侯王外，家后親皆奉還編縣，無黨親之名。

至或乘牛車齊於編人，斯固法令整齊，下無作威者也。

好書招乎賓客，歎劉安之稱於大山小山之篇。

考索曰：劉安招隱士詩序，乃淮南王之所作也。昔淮南王博雅好古，招擢天下俊偉之士。

八公之徒，成其德而歸其仁，各竭才智，著作篇章，選詞賦以類相從，或稱小山，或稱大山，猶詩有大雅小雅，詩曰：桂樹聚生兮山之幽，簞登連季兮枝相樛。

愛君憂民

李白作詩，獨隨朝宗之水。

李太白詩曰：獨隨朝宗水，赴海輸微涓。

子建興嘆，欲擬傾陽之葵。

曹子建曰：若葵藿之傾太陽，雖不爲之暹光，然終向之者既也。

桃符題於

家居，惟期道泰。

朱文公言行錄曰：公晚年家居，題桃符云：愛君期道泰，憂國願年豐。

玉堂入於清夢，欲報君恩。

蘇軾詩曰：只因未報君恩重，清夢時時到玉堂。

郢城存衛國之忠。

左傳曰：楚子囊死，遺言謂子庚必城。

漆園發倚柱之嘯。

戰國策曰：魯漆室之女，過時未適人，倚柱而嘯，鄰婦曰：子欲嫁乎？曰：非也。子

子終歲不能娶，今魯國有患，君臣父子被其辱，婦女獨安所避乎？

默坐靜室，懷廊廟之永圖。

趙善瑋自警編曰：王文正公且常歸私第，不去冠帶，入靜室中默坐，家人惶恐而不知其意，後公弟以問趙公安仁，公曰：見議事公不欲

行而未決，此必憂朝廷矣。

憤歎洛陽，謁江湖之遠慮。

宋范仲淹岳陽樓記曰：居廟堂之高，則憂其民處江湖之遠，則憂其君。

東郭上書於晉公，猶展糞食之志。

歐陽文忠公曰：東郭祖

朝者，上書於晉獻公曰：願請聞國家之計，公曰：肉食者已慮之矣，糞食而何預焉？祖朝曰：肉食者一旦失於廟堂之上，若臣等糞食者，寧得無肝腦塗地於中原之野，其禍亦及臣之身，安得無預國家之計乎？

春陵詠詩於元結，乃悲

草根之窮。唐元結春陵行曰：州小經亂亡，遺人實困疲，朝食是草根，暮食乃木皮。

薦賢

九佐明作於唐廷。

册府元龜曰。堯之時。舜契禹后稷。夔伯夷皋陶益爲之九佐。

七友登庸於虞陞。

羅泌路史曰。維陶方回。檀牙伯陽。東不說。秦不宇。釐甫。乃舜之七友。

策事尙少。何嫌

逐鹿之衰。

鬻子書序曰。名熊年九十。見文王。王曰。老矣。熊曰。使臣抽獸逐麋。已老矣。使臣坐策國事尙少也。文王遂師之。

觀過知仁。宜讚放麋之舉。

韓子曰。孟孫獵得麋。使秦四巴持歸。其母隨之而啼。四巴放之。孟孫

大怒。逐之。居二月復召爲子。

毛詩注疏曰。召虎周宣王之臣。王命召虎平淮夷。江漢之詩作焉。

太常紀勛。

周禮曰。凡有功者。錄於王之太常。蒼龍辨東方。册府元龜曰。黃

帝得蚩尤而明天道。得太常而察地理。得蒼龍而辨東方。得祝融而辨南方。得鳳后而辨西方。得后土而辨北方。謂之六相。

禮記曰。夫鼎者有銘。銘者論讚其先祖之德。美功烈勳勞。而酌之祭器。自成其名焉。

楚莊田於郊

野。得三士以佐邦。

楚史檮杌曰。楚莊好獵。大夫諫曰。王無乃耽于樂乎。王曰。吾獵將以求士也。其標擊刺虎豹者。吾知其勇也。其擄犀搏兕者。吾知其勁有力也。罷田而分所得者。吾知其仁也。因是道也。而得三士焉。楚國以安。

齊宣

獵於社山。請一老而作相。

說苑曰。齊宣王出獵於社山。父老相與勞王。王賜田不租。無徭役。父老皆拜。閭丘先生不拜。且曰。願大。王還吏平法度。臣得齊焉。無煩擾百姓。臣得富焉。令少畝長。長畝老。臣得貴焉。今賜田不租。則倉廩將

慮。賜無徭役。則官府無使。非敢望也。齊曰。善。請先生爲相。

伯華聞道。中尉卽薦于祁奚。

左傳曰。祁奚請老。晉侯問嗣焉。稱解狐其驥也。將立之而卒。又問焉。對曰。午也可。於是羊舌職死矣。曰。孰可以代之。對曰。赤也可。於是使祁午

爲中軍尉。羊舌赤佐之。君子謂祁奚能舉善矣。稱其驥。不爲圖。立其子。不爲比。舉其偏。不爲黨。解狐得舉。祁午得位。伯華得官。建一官而三物成。能舉善也。

韓起洵仁。晉卿遂請於穆子。

左傳曰。晉韓獻子告。穆公族穆子有廢疾。

將立之辭曰無忌不才請立起也與田蘇游而曰好仁立之不亦可乎使宣子朝迷老管侯謂韓無忌仁使掌公族大夫

史鰌如矢長懸北堂之遺思

家語曰史魚病將卒命其子曰我死治喪於北堂吾在衛朝不能違蘧伯

玉而退彌子瑕是生不能正其君則死無以成禮矣其子從之靈公甲焉怪而問其子以父言告曰是寡人之過也於是進蘧伯玉退彌子瑕

禽息擊車甘爲西秦之爛腦

韓詩外傳曰禽息秦大夫爲百里奚不見納穆公出

以頭自擊腦裂曰臣生無益於國不如死也穆公悟用百里奚以禮發息

御車謙抑平仲褒才於節驕

史記曰晏子爲齊相出其御之妻從門間而窺其夫爲相御擁大蓋策駟馬意氣揚揚既歸妻請去夫問故曰晏子身相齊國

名顯諸侯常有以自下者子爲人僕御自以爲足妾是以求去也其後夫自抑損晏子怪而問之御以實對晏子薦以爲大夫

服飾斂華文子錄能於改過

國語曰季文子相宣成無衣帛之妾無食粟之馬仲孫官諫曰子爲魯上

痛妾不衣帛馬不食粟人以子爲隘文子以告孟獻子獻子囚之七日自是子服之妾衣不過七升之布馬餼不過糗莠文子聞之曰過而能改者民之上也使爲上大夫

胥臣識鷩缺之恭敬先茅賞功

左傳曰晉侯敗

狄于箕卻缺獲自狄子初自季過箕見鷩缺轉其妻鷩之相敬如賓與之歸請用之文公以爲下軍大夫反自箕襄以再命先茅之縣賞胥臣曰舉卻缺子之功也

管子知弦章之明刑大理稱職

管仲曰決獄折中臣不若

弦章請立爲大理

子皮以鄭僑而報譽

左傳曰子皮欲使尹何爲邑子產曰不可人之愛人求利之也僑聞學而後入政未聞以政學者也子皮以爲忠故委政焉子產是以能爲鄭國

韓厥因趙宣以知

名國語曰宣子趙盾言韓厥於靈公以爲河曲之役宣子使人以其乘車千行厥執而殿之宣子召而禮之謂諸大夫曰二三子以賀我矣吾舉厥也忠吾乃今知免於罪矣

閉門憂思遇窺牆以釋縛

說苑曰下蔡威公閉門而

哭旁隣窺牆問曰何故對曰吾國將亡也窺牆者聞其言則舉族之楚居數年楚果伐蔡窺牆者爲司馬見威公縛在虜中乃言於楚王遂解其縛與俱之楚

濮水追駟逢適楚以軾車

說苑曰蘧伯玉使至楚公子智曰敢問上客何

之。通伯玉爲之賦車。子皙曰。吾聞上士託色。中士託辭。下士託財。曰。誰受命。遂見楚王。王曰。何國多士。對曰。伍子胥生於楚。逃之吳。苗益黃生於楚。走之晉。今臣來。遂公子智。濮水。又不知將何治也。於是楚王發使一。驅公子智。濮水之上。子智。重於楚。通伯玉之力也。

西門豹師鄴邑之英豪。

戰國策曰。西門豹爲鄴令。而辭魏文侯。文侯曰。子往矣。必就子之功而成子之名。曰。敢問就功成名。亦有術乎。文侯曰。有。蓋鄴邑老者而先受坐之士。子入而問其賢良之士。而師事之。求其好掩人之美。而

揚人之醜者。

北郭子明天下之賢者。

晏子春秋曰。晏子以金粟遺北郭。驛辭金受粟。有問晏子見疑於景公。出奔。北郭子曰。養及親者。身更其難。遂遺公廷曰。晏子天下之賢。去齊齊國必侵。不若先死。乃自殺。公自追晏而參驗之。

子及郊而反之。

塞叔仲於知己。秦主重厚幣之迎。

史記曰。秦穆公以殺羊皮。饋百里奚。釋其囚。與語國事。百里奚讓曰。臣不及臣友。塞叔賢。于是穆公厚幣迎塞叔。以爲上大夫。慶足退而容賢。

衛君致悅敬之寵。

家語曰。哀公問於孔子曰。當今之君。孰爲最賢。對曰。抑有衛靈公乎。有。士曰。慶足者。國有大事。則起而治之。無事則退而容賢。靈公悅而敬之。

進覽懣謝。空想平君之微名。

史記

曰。平原君家樓臨民家。有賢者。散行汲。美人見而笑之。明日。賢者請曰。士不遠千里而至者。以君能貴士而賤妾也。臣不幸有罷疾。後宮臨而笑臣。願請笑者頭。平原君終不殺。賓客咸引去。於是斬美人頭。自造門進賢者。因謝焉。賓客稍稍復來。

引肘寓規。

深羨單父之遠慮。

說苑曰。魯使宓子賤爲單父令。子賤借善書二人。從旁引其肘。書亂。則怒之。欲好書。則又引之。書者辭歸。以告魯君。曰。子賤若吾播之。不得施善政。命毋徵發單父。未幾化盛行。

扣角長悲於難遇。

飯牛歌慘齊郊。

淮南子曰。齊桓公郊迎客。夜開門。甯戚飯牛車下。望見桓公而悲。擊牛角而疾爲商歌。曰。南山矸。白石爛。生不逢堯與舜。短褐單衣適至。軒從魯飯牛。薄夜半長漫漫。何時旦。桓公聞之曰。異哉。歌者非常人也。命後車載之。

彈

缺久恨於歸來。食魚聲誼代舍。

史記曰。馮諼見孟嘗君。置傳舍。設彈。缺曰。長缺歸來乎。食無魚。孟嘗君遷之。幸舍。食有魚矣。復缺曰。長缺歸來乎。出無輿。馮之代舍。出入乘車與矣。又缺曰。長缺歸來乎。無以爲家。孟嘗君

不慕公仲以推賢。荀牛登用。史記曰：番吾君謂公仲曰：公相趙四年，亦有運士乎？曰：未也。番吾君曰：牛畜有欣徐，越皆賢可。公仲乃進三人，侍烈侯，賜相國衣二襲。 羞戚文之竊位，展禽同

升。左傳仲尼曰：臧文仲不仁者。三下展禽，廢六闕，安穢浦。 賢良樂於明揚，世傳三事之喻。虞書曰：明明揚側陋。周書立政曰：立政任人，準夫牧作三事。 雋俊歡於辟舉，士無五

阻之悲。說苑曰：夫國之所以不得士者，有五阻焉。主不好士，諂諛在傍，一阻也。言便事者，未嘗見用，二阻也。樂塞揆獻，必因近習。然後見察，三阻也。訊獄詰窮其辭，以法過之，四阻也。執事適欲，擅國權命，五阻也。去此五阻，則豪傑並興，賢智本處矣。

御製

包犧吟詠於網罟。夏侯玄辨樂論曰：包犧氏教民畋漁，天下歸之時。殷湯刻銘於浴盤。湯盤銘曰：苟日新，日日新，又日新。 虞帝作歌，宣解

民阜民之意。宋語曰：舜作五絃之琴，以歌南風之薰兮，可以解晉民之愠兮，南風之時兮，可以阜晉民之財兮。 周王著誠，闡輔人扶人之言。太公金匱曰：武王欲造起居之誠，隨之以身，凡之書曰：安不忘

危，存無忘亡，杖之書曰：盛治顯於卿雲。尚書大傳曰：舜爲賓客，禹爲主人，乃唱曰：至言昭於晨露。魏武帝短歌行云：對酒當歌，人生幾何？譬如朝露，去日苦

多，明明如月。集靈七字，粲星緯以騰華。沛邑三侯，憂咸詔而儻曲。見上 豐年起炎帝之詠。見上 大唐勳放勳

之歌。尚書曰：若稽古帝堯，曰放勳。欽明文思安安，允恭克讓，光被四表，格于上下。克明俊德，以親九族，九族既睦，平章百姓，百姓昭明，協和萬邦，黎民於變時雍。 鳳凰諷誦於豐都。桓子新論曰：文王時，有鳳凰鳴，書至，乃作鳳凰之歌。

曰。翼翔翔。鸞鳳兮。卿書來遊。以命昌兮。晴天按圖。殷

鴻鵠迭唱於楚舞。

史記曰。漢高祖欲易太子。留侯爲畫計。招隱士四人以爲上客。上召戚夫人指視曰。彼四人輔之。羽翼已成。難動矣。

戚夫人涕泣。上曰。爲我楚舞。吾爲若歌。詞曰。鴻鵠高飛。一舉千里。羽翼已就。橫絕四海。又可奈何。雖有增繳。尙安所施。

田間醉臥。忽詠萬國之明。

後山詩話曰。宋太祖微時。自秦中歸道華陰山。醉臥田間。日出詩曰。未離海底千山

暗。接到天中萬國明。

沛上擊筑。遙想四方之守。

見上

盤遊後苑。酒盃歡入於飄香。

宋仁宗賞花釣魚詩曰。晴旭輝輝苑籞開。氤氳花氣好風來。游絲舞絮繁行仗。隨處飄香入酒

孟。駕幸山中。澗泉歎含於宿凍。

唐玄宗登太行山詩曰。清蹕渡河陽。凝茄上太行。澗泉含宿凍。山木帶餘霜。

玩櫻桃之景。悅翠色於長津。

唐太宗櫻桃詩曰。華林鋪芳景。洛陽

瀾陽春。朱顏含遠日。翠色影長津。

步芙蓉之池。恨驚風於輪轂。

魏文帝芙蓉池詩曰。乘輦夜行遊。遺遙步四圍。驚風扶輪轂。飛鳥翔我前。

特頒勁草之語。蕭瑀惕勵以書

紳。唐太宗賜蕭瑀詩曰。疾風知勁草。板蕩識忠臣。

賜和偃松之篇。蔡孚探索于刻石。

唐書曰。開元初。蔡孚賦東海龍興觀偃松篇。元帝賜和御書刻石記之。

鍾繇著績。頻誦考父

之書。三國志曰。魏鍾繇嘗爲相國。文帝爲書與繇曰。周之尸臣。宋之考父。衛之孔悝。皆之魏顯。彼四臣者。並以功德勒鐘鼎。今執事寅亮大魏。以隆聖化。故作斯銘。勒之金石。庶可贊揚洪美。垂之不朽。銘見下丞相註。

河伯不仁。愛輿瓠

子之詠。

見上

重陽設宴。備述朝會之歡聲。

唐書曰。貞元十年。重陽宴賜近臣。上賦詩曰。池臺列廣宴。絲竹轉新聲。玉樂非外獎。狹歡同中誠。

新春喜晴。思繼沛歌之遺

響。宋孝宗新春喜晴詩曰。神京塵未遠。當繼沛中歌。

自誇成鮑昭之拙。

漁隱叢話曰。人君不當與臣下爭能。故宋文帝好文筆。自謂人莫不能及。鮑昭於所爲文章。遂多鄙言。詎語。

爭能誦王胃之章。

實治

通鑑曰。隋煬帝嘗屬文。不欲人出其右。王胄死。帝誦其佳句曰。庭草無人隨意綠。復能作此語耶。

羣燕辭歸。魏文帝燕歌行曰。羣燕辭歸。屬南翔。念君客游多思歸。

難比儀鳳之佳句。魏文帝歌魏德詩曰。竟任舜禹當復。

何爲百獸率。啼豹夾路。魏武帝善說行曰。熊羆舞。鳳凰來儀。對我。虎豹夾路啼。

竟同朱鴈之浮詞。漢書曰。武帝行幸東海。獲朱鴈。作朱鴈之歌。歌云。赤鴈集兮紛員。殊翁維兮采文。

救遣崔生詩傳

於潞州之國。唐書曰。崔絳出爲淮南節度使。帝饋太液亭。賜詩寵之。

褒贈賀老。錢榮於長樂之坡。

唐書曰。太子賓客賀知章。請度道士還鄉。遣左右相以下。祖別於長樂坡上。賦詩贈之。

御書

絳絹半幅。霞舒舞鶴之文。宸翰三行。雲遶回鸞之勢。

舞鳳回翔於懷袖。飛龍顧盼於縑緙。

唐元稹表曰。御札二十三字。賜

臣。蓋宸翰忽臨。天章煥發。舞鳳迴翔於懷袖。飛龍顧盼於縑緙。豈獨傳之子孫。更合縑於肌骨。

少昊作鸞鳳之書。

山堂考索曰。少昊作鸞鳳之書。取以古文。

高陽創蝌蚪之體。

考索曰。顧帝以科斗之形。作科斗書。

景龍顯瑞。既取象於包犧。

古今叢書文體曰。包犧獲景龍之祥。始作龍書。

靈龜呈祥。復效法於唐帝。

考索曰。堯因軒轅靈龜有圖。作龜書。洛出書。神龜負文。列於背。有數至九。萬因而第之。以

成九。石湖成於聖筆。楊廷秀歌白壁之一雙。

宋太宗賜學士范成大石湖二字。楊萬里作歌云。洒落義畫河洛書。白壁一雙浮雨露。石湖二字天上歸。奎星雙宿落山屏。

寶奎藏于御

書。呂祖謙贊喬雲之五色。

呂祖謙作寶奎殿。太宗御書贊云。元柔淋漓。載沐神筆。喬雲五色。祥輝紙集。

齊后御極。賭書兩第一之稱。

齊書曰。高帝善書。及登位。篤好不已。與王僧虔

臨書畢，謂僧虔曰：「誰爲第一？」對曰：「臣書臣中第一。」
陛下書帝中第一。」上笑曰：「痴可謂善白爲謀矣。」

常侍登床，乘酒爭乾五之寵。

唐書曰：太宗宴玄武門，作飛白字賜羣臣，或乘酒爭取於帝前，散騎常侍劉潛登御床，引手得

之。帝笑曰：「昔聞婕妤辭聲，今見常侍登床。」

九霽六翻，勅臣職於唐廷。

唐高宗賜郝處俊飛白字曰：飛九霽，假六翻。

一札十行，儆吏治於漢陛。
漢光武以手迹賜方國，皆細書成文，一札十行。

藏大字於李靖，益顯太宗翰墨之功。

唐書曰：李靖家藏太宗手墨詔書大字數函。

用秃筆於僧虔，欲昭孝武善書之譽。

宋孝武欲搜名，王僧虔不敢顯

跡，常用秃筆。舟楫賜於至德。

唐高宗以飛白賜戴至德，曰：汎洪源，俟舟楫。

羽翼托於馬周。

唐太宗賜馬周飛白字曰：鸞鳳冲霄，必假羽翼。

史公皓誦明良之言。

宋孝宗御書明

良慶會之閣，賜史浩。

蘇子瞻得紫薇之句。

蘇軾集曰：賜讀官宴于東宮，遣中使賜御書詩各一首，蘇軾得紫薇花絕句。

日新厥德，驚天藻於鸞翔。

蘇軾集曰：宋真宗賜張士遜十二字曰：寅亮天

地，錫予一人。又曰：日新其德。呂祖謙太宗贊曰：爰錫扁榜，天藻傑然。

竭贊皇猷，瞻御札於鳳素。

唐書曰：咸亨中，御書飛白書贊，以賜中書侍郎崔知悌曰：竭忠節，贊皇猷。宋呂祖謙太宗飛白贊曰：奄暨分權，鸞翔鳳素。

召臨

天章之閣，左右謹楮笏以俯觀。

東齊記事曰：嘉祐間，召羣臣天章閣觀書，上親作飛白書令左右摺笏以觀。

從詣玉淵之堂，臣鄰羨誠齋之賜贈。

宋楊萬里啟御

書云：上燕集玉淵堂，官僚各傳刻所賜御書，因再拜請。上欣然揮誠齋二大字，心畫超詣，雲章昭回，龍跳虎臥，鸞鳳風泊。

特賜清淨，奇勝三百之書。

歐陽脩歸田錄曰：宋仁宗飛白神妙，以點畫篆物形，常命李唐寫飛白三百點，以

遊，自謂窮諸物象，上特爲清淨二字。賜之，六點尤爲奇絕，又出三百點外。

操筆縱橫，紙盈六七之字。

宋書曰：武帝書素楮，劉稹之曰：公但縱筆，大字徑尺無嫌，大既有所包，其勢亦美。帝從之，紙六七便滿。

御宴

鹿鳴式宴於吹笙

毛詩曰：呦呦鹿鳴，食野之萍。我有嘉賓，鼓瑟吹笙。

魚藻，豈樂於飲酒

毛詩曰：魚在在藻，有頌其首。王在在饋，豈樂飲酒。

享深興化，乃詠梨園之清

商

韓偓作興化亭賜宴詩云：玉街花馬踏香街，詔遣追備綺席開。清商適向梨園降，妍妓新行夾雨回。

殿峙披香，因成太液之佳句

四清詩話曰：仁宗賞花釣魚，出詩示羣臣屬和。王安石得披香殿字，未有對。鄭辨願曰：宜

對太液池。詩云：披香殿上留朱轡。太液池邊送玉盃。

想叔達之孝，不舉葡萄

唐書曰：高祖賜羣臣宴，有葡萄。侍中陳叔達執而不食。上問其故，對曰：臣母患口乾，求之不能得。上曰：葡萄有母，可遺乎。遂流涕鳴咽，因賜之。 識王

生之好，誤食釣餌

聞見錄曰：宋仁宗朝，王安石知制誥。一日，上賞花釣魚宴，內侍各以金環盛釣餌，置几上。安石食之，盡明日上。謂宰相曰：王安石許人也，使誤食釣餌一粒，則止矣。食之盡，不情也。

沛宮置酒，擊筑

於飛揚之雲

見上

彤陛陳設，奏樂於及時之雨

賈氏談錄曰：太祖大宴，雨暴作，上不悅。趙普奏曰：外面百姓望雨，官家大宴，何妨。只是損些陳設，溼些樂官衣裳。但今雨中作雜劇，更可笑。太祖大喜，宣

令雨中作樂。

楊億不預後苑，空詠上林之歌絃

潘水燕談曰：楊億爲光祿丞，後苑賞花，宴不得預。以詩貽諸館閣曰：聞戴宮花滿鬢紅，上林絃管得重曠。蓬萊咫尺無由到，始覺仙凡迥不同。 乾曜

享宴都堂，聚奏南宮之樂器

唐書曰：宋璟爲右丞相，張說爲左丞相，源乾曜爲太子少傅，同日拜。有詔：太官設饌，太常奏樂，會百官尚書省東堂，帝賦三傑詩賜之。

兔園置酒，鄒生舒興於

玉蓮蕉葉之盃

四京雜記曰：梁孝王遊忘憂之館，集諸遊士，各使爲賦。鄒陽爲酒賦，東軒筆記曰：王永安娶三女，監金蠟書庫，嘗置酒延賈卜鳩繪於室，其妻以左右手杓酒以飲卜繪，謂之白玉蓮花盃。又東坡志林曰：吾兄飲酒，二蕉葉，吾少時見

酒盡而醉，今亦能三
蕉葉矣。兔園見雪註

龍門賦詩。宋子香錦於宿雨流雲之句。

李綰卓異記曰：唐武后遊龍門，命羣臣賦詩，先成者賜錦袍。左史東方虬先成，拜賜坐未安，宋之間詩復成，文理兼美，乃就奪。

錦袍衣之。詩曰：宿雨霽氛埃，流雲度城闕。羣公拂霧朝，鳳天子乘春幸鑿龍。

問唐家之酒價，徒誇賜宴於太清。

玉璽清話曰：章聖等近臣於太清樓，上問唐時酒價幾何，丁晉公奏曰：每斗三百錢，上曰：安知，公引杜

詩云：速來相就飲一斗，恰有三百青銅錢，上大喜。

吟令序之韶光，堪羨娛賓於玄武。

唐太宗春日玄武門宴羣臣詩曰：韶光開令序，淑氣勸芳年。娛賓歌湛露，廣樂奏鈞天。

王粲寫懷於公

譔，與今日極歡之言。

晉王粲公譔詩曰：高會君子堂，盛坐蔭華榭。今日不極歡，含情欲待誰。

宗諤見拒於開門，勸當年下第之歎。

青箱雜記曰：李宗諤爲翰林學士，以京官帶職。

赴內宴，開門拒之。獻詩曰：戴了宮花賦了詩，不容重視緒黃衣，無聊獨出金門去，恰似當年下第歸。太宗覽詩，即宣赴坐，後遂爲例。

茶

龜蒙品第。煎茶水記曰：陸龜蒙嗜茶，置園顯活山下，歲取粗自判品第。

鴻漸著經。唐陸羽傳曰：羽字鴻漸，著茶經三卷。

橫紋出於陽坡。

無文錫茶譜曰：宣城縣有丫山茗芽，其山東爲朝日所燭，號曰陽坡，其茶

最勝。太守嘗薦於京洛。題曰丫山陽坡橫紋茶。

紫筍生於蒙頂。

茶譜曰：蒙頂有研膏茶，作片進之，亦作紫筍。

三等別號。

茶譜曰：邛州之臨邛，臨溪思安火井，有早春火前火後嫩綠等上中下茶。

調和備杜育

之詞。晉杜育拜賦曰：調神和內，倦解塵除。

五出成花。

茶譜曰：茶之別者，有棋殼牙枸杞牙枇杷牙阜葵槐牙柳牙，乃上春摘其牙和茶作之五花茶。

清甘傳仙人之掌。

茶譜曰：富陽縣有溪山仙掌茶。

吳王之

山張羅鳥自高飛羅當奈何遂自縊死九

巴寡婦清其先得丹穴而擅其利數世家亦不貲清寡婦能守其業用財自衛人不敢犯始皇以爲貞婦

而客之爲築女懷清臺巴寡婦清傳

霍光與張安世謀欲廢主更立議既定使大司農田延年報楊敞敞驚懼不知所言汗出洽背徒唯唯而

已延年起至更衣敞夫人遽從東廂謂敞曰此國家大事今大將軍議已定使九卿來報君侯君侯不疾

應與大將軍同心猶與無決先事誅矣延年從更衣還夫人與延年參語許諾楊敞傳

山陽太守汝南薛恭祖喪其妻不哭臨殯於棺上大言自同恩好四十餘年服食祿賜男女成人幸不爲

夭夫復何恨哉今相及也風俗通

王霸少立高節光武時連徵不仕霸與同郡令狐子伯爲友後子伯爲楚相而其子爲郡功曹子伯遣子

奉書於霸客去久臥不起妻怪問之霸曰向見令狐子容服甚光舉措有適而我兒蓬髮歷齒未知禮則

見客而有慚色父子恩深不覺自失耳妻曰君少修清節不顧榮祿今子伯之貴孰與君之高君躬勤苦

子安得不耕以養旣耕安得不黃頭歷齒奈何忘夙志而慚兒女子乎霸屈起而笑曰有是哉遂共終身

隱遯列女傳

袁隗妻是馬季長女少有才辯季長世家豐豪裝遣甚盛初成禮隗問曰婦奉箕帚而已何乃過珍麗乎

松風因想李生之好客。

蘇東坡煎茶歌云。蟹眼已過魚眼生。巖巖欲作松風鳴。君不見。當時李生好客手。自煎貴從活火發新泉。

陶公調味於雪水。遂誇黨家之瓮人。

見雪門注。

李約嘆珠纈之泉。三沸成於活火。

趙璘因話錄曰。李約性嗜茶。嘗曰。茶須經火炙。活火煎。始則魚目散布。微微有聲。中則四邊泉湧。衆衆連珠。終則騰波鼓浪。水氣全消。謂之老湯。三沸之法。非活火不能也。

德

裕憶金山之水。一壺汲於石城。

中朝故事曰。李德裕居廡廟日。有親知奉使于京口。李曰。還日。金山下。揚子江南。零水取一壺來。其人醉而忘之。舟至石城下。乃汲一瓶於江中。歸京獻之。李公飲後。嘆訝曰。江表水味。有異

於傾城矣。此水頗似石頭城下水。其人謝過。不敢隱。

獻酌情深。夢裏得教詩之報。

茶譜曰。胡生者。以釘鉸爲業。居近白蘋洲。傍有古墳。每因茶飲。必奠酌之。忽夢一人謂之曰。吾姓柳。平生善爲詩。而嗜茗。感子茶茗之惠。無以

爲報。欲教子爲詩。胡生辭以爲不能。柳曰。但率子意言之。當有致矣。生後遂工詩焉。時人謂之釘鉸詩。柳必柳惲也。

薦祀誠篤。庭前顯投錢之徵。

劉敬叔異苑曰。剡縣陳務妻。少寡。與二子同居。好飲茶。家有古壺。每飲。輒先向

之。二子欲掘之。母止之。夜夢人致感云。吾雖潛朽壤。豈忘翳桑之報。及曉。於庭中獲錢十萬。似父埋者。惟新貫耳。

酒

周辨三酒之物。

周禮曰。酒正掌酒之政令。以式法辨三酒之物。一曰事酒。二曰昔酒。三曰清酒。

漢作九醞之名。

西京雜記曰。漢制以正月且造酒。八月成名曰九醞。

研窮苦酸。能識高昌

之貢。

梁四公記曰。高昌遣使進葡萄酒。帝命杰公送之。公謂使者曰。葡萄酒七是滄林三。是無半凍酒。非入風谷所凍者。又無高寧酒和之。帝問何人以之。對曰。蒲桃滄林者。皮薄味美。無半者。皮厚味苦。酒是入風谷凍成者。終年不壞。今嗅其氣。酸高寧酒滑而

先淺故變易厚薄。迺速邯鄲之圍。淮南子曰：楚會諸侯，魯趙皆獻酒於楚主，主酒吏求酒於趙，趙不與，吏怒，乃荷鍤甘贈於知耳。

醉侯。晉書曰：劉伶常乘鹿車攜一壺酒，使人荷鍤隨焉，曰：死便埋我，其遺形如此。據鞍自適於獻伯。宋書曰：顏延之好騎馬，遊遊里巷，遇舊知輒據鞍索酒，得必傾器，欣然自得。下車獨酌，元忠激神。

武之迎。後魏書曰：李元忠拜南趙郡太守，後棄官潛歸義舉，會齊神武東出魏，乘露車載濁酒以迎，神武聞其酒客，未之見，元忠下車獨酌，謂門者曰：本官公招延，獨傑，今聞國士到門，不能吐哺，輒洗其人，可知。還吾判，勿復過也。門者以告，神武遽見之。降

塔跪言，崔暹堪華林之勸。後魏書：晉帝晏華林園，謂神武曰：自頃百司貪暴，朝廷有公直彈劾無避者，王可勸酒，神武降塔跪言，惟御史中尉崔暹一人，謹奉明旨，敢以勸酒。西階挺進，深鄙次公

之酒狂。漢書曰：平恩侯許伯入第，丞相以下皆賀，司尉蓋寬饒從四階上，東向特坐，許伯自酌曰：蓋君後至，寬饒曰：無多酌我，我乃酒狂。丞相魏侯笑曰：次公醒而狂，何必酒也。坐者皆屬目卑下之。次公乃寬饒字也。後苑聞歌，終慙

丞相之迭和。史記曰：曹參爲相，日夜酣飲，相宅後園近吏舍，吏歌呼不俊從，吏潛請參遊園中，聞吏醉歌而按之，乃取酒張坐飲，亦歌呼與相應和。三雅傳於劉表。典論曰：劉表有三酒爵，大曰伯雅，容七升，次曰仲雅，容六

升，小曰季雅，容五升。百榼聞於仲由。孔叢子曰：平原君與子高飲，強子高飲酒，曰：有謬云：堯飲千鍾，孔鳴歌仰天，每譏揚揮之狹。漢書曰：揚

揮報孫會宗書曰：田家作苦，歲時伏臘，烹羊炮羔，斗酒自勞，家本秦也，能爲秦聲，婦趙女也，雅善鼓瑟，酒後耳熱，仰天撫缶，而呼鳴鳴，其詩曰：田彼南山，蕪穢不治，種豆一頃，落而爲糞，人生行樂，須富貴何時。

陽醉邊地，常陋王式之偏。漢書曰：王式爲昌邑王師，除博士，會諸大夫持酒肉勞式，博士江公世爲魯詩宗，亦至，式謂歌吹諸生曰：歌騷駒，式聞之於師，客歡騷駒，主人歡客，毋庸歸，今日諸君爲主人，日尙早，未可也。江公問曰：經何以言之？式曰：在曲禮，江曰：何狗曲也？式駭之，陽醉邊地，乃

升矣。後果。叔子爲折臂之輔。晉書曰：有善相墓者，言羊祜祖墓，有帝王氣，祜遂不之。相者見曰：猶出折臂三公，而祜後隨馬折臂，至三公。諸葛作黑頭之公。晉書曰：諸葛亮爲臨沂令，名亞王導，亮亮謂曰：

明府當作黑頭三公。孫成名應識圖，越登槐鼎。東觀漢記曰：光武信讖言，以王梁、袁宏業紹盛族，歷應台階。續晉陽秋曰：袁宏、魏郎中令，俱六世孫也。祖獻

傳中父馬臨汝令，宏起家建威參軍安南司馬記室。魏舒機兆於車馬之聲。晉書曰：魏舒未達時，嘗詣野王主人妻夜產，俄而聞車馬之聲，相問睡者誰，曰：魏公。舒自知當爲公矣。後

果爲。丁固職符於松樹之夢。張幼英錄曰：丁固夢松生其腹上，謂人曰：松字十八公也。後十八年，吾其爲公平。後果與夢符。呂處贈佩刀於別駕。晉書曰：呂處有佩刀，命工相之，當爲三公。處以贈別

駕王祥曰：以子有台輔之器，故相贈。後祥果爲太保。慶之辭几杖於殿堦。南史曰：沈慶之廢帝時加几杖，給三望車，慶之固讓。長孫儉守熊皮，輿論與晏嬰之譽。北史曰：長孫道生拜

司空，性廉約，衣不華飾，食不兼味。一熊皮障泥數十年不易，時人比之晏嬰。劉向別錄曰：晏嬰以節儉重於齊，鶴林玉露曰：晏子一狐裘三十年，長孫道一熊皮障數十年，蓋貴而能儉也。仲舉榮受龍袞，臨朝勳叔度之

思。後漢書曰：陳蕃字仲舉爲三公，臨朝嘆曰：叔度若在，吾不敢先佩印綬。三國郎顛拜章，誇委任於三府。後漢書曰：郎顛拜章日，選舉牧守，委任三

府。江藻廣詠，歎盛事於千齡。汪浮溪集君臣慶會圖詩云：一德君臣運有開，千齡盛事冠將來。神仙遇與人，宴隔賓主親綠園論部。頌陳泰階，立殿聞曼倩之對。漢書曰：武帝欲

以上一苑屬之南山，東方朔諫曰：奢侈起制，則天爲之變。巨愿陳泰階六符以觀天變，是欣膺獨拜，過江想王喬之英。世說新語曰：王

丞相拜司徒而歎曰。劉王喬若過江。我不獨拜公。曹嘉之督祀曰。噫。有重名。司徒蔡謨每歎曰。若使劉王喬得南渡。司徒公之美選也。

太師

釣魚逸志。尙父奇遇於隆周。

史記曰。周文王得呂尚於磻溪。以爲師。謂太公。

飛鳳高翔。臯甫慙屈於悍卓。

漢獻帝春秋曰。董卓自號太師。御史中丞皆拜。臯甫當不拜。遷中丞。見亦

拜。卓曰。可以服未。蓋曰。安知明公至是。卓曰。鴻鵠固有遠志。但燕雀不知耳。

召見六日。都堂聽潞公之嘉謀。

東都事略曰。文彥博召赴闕。司馬光

言若令以正太師。平章軍國重事。亦足以尊老成矣。

歷事四朝。天下頌中立之全德。

唐書曰。裴度拜太師。平章事。事四朝。以全德始終。及歿。天下莫不思其風烈。

則

平寵膺器幣。

會要曰。宋淳化間。遣正言張唐。齎太師趙普。生長器幣鞍馬。就四京賜之。則平普字也。

龔壯特命縞巾。

晉書曰。蜀李壽。以安車束帛。聘龔壯爲太師。壯固辭。特聽縞巾。素帶。居師友之位。

贊拜不

名。李穆詒象笏於孫子。

隋書曰。高祖受禪。李穆來朝。遂拜太師。贊拜不名。子孫雖穉。穆悉拜儀。同一門執象笏者。百餘人。貴盛當時無此。

立朝正色。眞卿挺骨鯁於權姦。

唐書曰。顏

眞卿拜太師。立朝正色。剛而有禮。贊云。晚節優。整。爲姦臣所擠。毅然之氣。折而不沮。可謂忠矣。

堂起房心。堪詠汪藻之句。

汪藻壽蔡太師詩云。堂起房心。次音。階角微。而車書人一統。符瑞歲千條。

聲聞履鳥。誇

誦歐陽之詞。

歐陽脩上文太師啓云。器深宏遠。業茂經綸。日者來觀冕旒之選。喜聞履鳥之聲。履聲見下履註。

殊寵並除。宜和榮冠於蔡鄭。

朝野雜記曰。故事。太師未嘗並除。宜和中。蔡京鄭紳。同時除爲

太師。藩親特拜。紹熙優禮於伯圭。會要曰。宋紹熙中。嗣秀王伯圭。以宗室特拜太師。蓋王以光宗爲親叔父。用優禮也。

太傅

三讓彌高。丹陛褒元功之族。

漢百官志曰。和帝策鄧彪曰。元功之族。三讓彌高。可令爲太傅。

萬事不理。京師刺蹇直之衰。

後漢書曰。胡廣字伯始。爲太傅。年八十四。練達事體。明解

朝章。雖無蹇直之風。屢有補闕之益。京師語曰。萬事不理。問伯始。天下中庸。有胡公。

鄧冲賜杖而免朝。

晉書曰。鄧冲致仕。詔曰。太傅體深遠。履行高潔。屢以年高告退。聽其就第。位同保傅。几杖不朝。

鍾繇載車以上

殿。魏志曰。太傅鍾繇。有膝疾。拜起不便。朝見。使載輿車。虎賁昇殿就坐。

賞功進秩。仲華居東向之賓。

漢書曰。明帝以鄧禹先帝元功。拜爲太傅。進見東向。甚見尊寵。

退閑杜門。世忠安西

湖之樂。

宋年錄曰。韓世忠以太傅奉朝請。秦檜主和議。世忠力求閑退。自此杜門。絕口不言兵。時騎驢攜酒遊西湖。以自樂。

張士遜自號退傅。置會宴樂於揮金。

東都事略曰。張士遜拜太傅。封鄆國公。歸

老。號退傅。啓國於鄆。范仲淹適守鄆州。士遜還鄉。仲淹置酒高會。明日。士遜復置會。揮金甚盛。時人榮之。六朝詩曰。高會日揮金。揮散鄉也。

達奚武位冠羣侯。掩門每懶於施戟。

分紀曰。達奚武拜太傅。行常單馬。門

不施戟。常掩一扇。或謂武曰。公位冠軍后。功名蓋代。出入儀衛。不稱具瞻。何輕率若是。武曰。天下未平。國恩未報。安適事威儀乎。言者慙而退。

張禹望重。帷帳床褥之兼施。

後漢書曰。張禹拜太傅。乃詔禹舍禁中。給帷帳床褥。

段紹功高。女樂田園之加賜。

北齊書曰。高歸彥作亂。段紹討平之。還太傅賜女樂十人。并高彥田園一千畝。

隨會致晉國之治。

左傳曰。晉使隨會爲太傅。於是晉國之盜。逃奔於秦。

王盟

隆居尊之謙。

後周書曰王暹爲太傅禮冠軍后而謙恭自處未嘗以勢位驕人。

元獻贈壽筵著冊書之文武。

宋晏元獻上張太傅壽詩云三陟槐庭二將壇冊書文武載勳賢辭榮尙峻經邦秩養素方臨

釣渭

仲淹送歸闕望今日之神仙。

范仲淹送韓太傅歸闕詩云坐致唐虞成太化退居師傅養高年同榜幾人登將相滿朝今日望神仙。

太保

葵貢西旅之國召公杜漸於訓詞。

尙書曰周武王時西旅底貢厥葵太保作旅葵用訓于王。

旗翻北渭之風參軍致贈於詩句。

唐岑參軍詩云上公周太保副相漢

司空弓抱關四月旗翻渭北風。

崇道弘化紀於休徵之制書。

王隱晉書曰王祥字休徵武帝時拜太保制曰耆艾元老高行清粹朕所倚毗崇道弘化。

尙德依仁形于何曾之詔語。

晉帝詔曰太保何曾尙德依仁明允篤誠翼贊先皇光濟帝業。

含素遲暮堪成佐辟之勳。

晉書贊曰鄭冲含素王祥遲暮冲祥俱爲太保也毛詩曰幹不庭方以位式辟。

明允篤誠允勵匪躬之

志晉起居注曰太保衛瓘明允篤誠有匪躬之志易曰王臣蹇蹇匪躬之故。

拜爵榮封於齊國。

五代史曰趙光遠以司徒致仕天成中卽其家拜太保封齊國公。

膺職宣撫於京東。

宋史曰紹興間除劉光世

太保少師充京東宣撫處置使。

元儼陟官朝野羨雙員之創制。

會要曰天禧元年司徒平章事王旦荆王元儼同日降制加太保三公併除雙員自此始。

李始撫士都邑聞庶老之

興謠蜀李雄錄曰雄兄弟始爲太保善於撫士衆多歸之時人爲之語曰欲養老屬太保。

左右丞相

黃閣朱門。

漢鄭玄曰。朱門洞啓。當陽之正色。三公與天子禮秩相亞。故黃其閣。

典五緯於燮理。

尚書曰。論道經邦。燮理陰陽。

黑幡紫綬。

漢百官志曰。丞相金印紫綬。黃黑幡。所以異車服於百辟也。

掌四

序之調和。

齊孔推圭爲王。敬則讓司空表曰。啓黃扉而變五緯。聶青輔而調四序。

丙吉輔君。空傳喘牛之間。

漢書曰。丙吉出逢鬪死者不問。見牛喘。使騎問逐人牛行幾里矣。操吏問其故。吉曰。民間傷。京兆尹常禁

捕。方春牛喘。此時氣失節。恐有所傷。三公典調陰陽。職當憂也。

公亮秉政。終貽老鳳之譏。

東軒筆錄曰。曾公亮自嘉祐秉政。至熙寧尚在。李復圭作詩云。老鳳池邊踏不去。饒鳥籠上噉無聲。未幾曾公亦去。

姚崇時八

柱於承天。

淮南子曰。天有八部九紀。地有九州八柱。河圖拈地象曰。崑崙山爲柱氣。上通天。崑崙者。地之中。地下有八柱。柱廣十萬里。有三千六百軸。互相牽制。名山大川。孔穴相通。張設作姚崇神道碑云。八柱承天。高明之位定。四時成歲。亭育之功存。

懷英授五龍以夾日。

唐書曰。狄仁傑蒙恥。奮思以權大謀。引張柬之等。卒復唐室。功蓋一時。人不及知。故呂溫頌曰。取日虞淵。洗光咸池。潛授五龍。夾日以飛。

再升三入。獨稱宋璟之榮。

唐宋璟謝

表曰。再升台座。三入冢司。

十拜四登。難擬裴度之寵。

唐裴度除平章事。制曰。十拜相。四登帥壇。

書商霖之字。

張商英傳曰。時旱不雨。藝出天心。商英拜相之夕。大雨如注。彗星不見。上喜。書商霖二字賜

之。喜石燕於高飛。

見上

賜車攻之詩。馳鐵馬以禦敵。

宋言行錄曰。趙鼎爲相。上御書車攻詩賜之。謂曰。車攻。宣

蕭瑀傳

聞望於八葉。

唐書曰。蕭瑀遠遇。凡八葉。皆爲宰相。名德相望。與唐盛衰。世家之盛。古未有也。

卞粹列宰輔於六龍。

晉書曰。卞粹兄弟六人。並登宰輔。世稱卞氏六龍。

鼎庸無功。環濟要略曰。三公者。象鼎

三足共承其王也。杜詩曰：都民鄙邦彥之浪子。

宋書曰：李邦彥爲宰相，無所建明，惟阿順趙鼎而已。都人目爲浪子宰相。陳東上書請斥逐免。

沙籠保護，盧生識李藩之

貴人。唐紀曰：卜者胡蘆生，策卜甚驗。李藩問生，卜曰：公貴人也，在紗籠中。李問所由，終不復言。後有新羅生，言宰相冥司必潛以紗籠覆之，恐爲異物所擾也。

慧琳貽刺於黑衣。

宋文紀曰：宋文帝以慧琳參權要，賓客輻湊。孔穎曰：遂有

黑衣宰相，可謂冠履失所矣。

九齡獻賦於白羽。

唐書曰：張九齡在位，帝賜白羽扇，乃獻賦。末自况曰：苟效用之得所，雖殺身而何忘。

銀青賜爵，李泌知前約之言。

唐書曰：代宗欲相李泌，元載忌

之，帝不得已出泌，約曰：後詔嘗以銀爲信，忽除銀青光祿大夫。

金甌覆名，崔琳得御書之貴。

通鑑曰：唐玄宗命相，皆先御書其名案上，會太子入侍，上舉金甌覆其名而告之曰：此宰相名也。汝知其誰邪？對曰：非崔琳盧從願

乎上。

趙則平成相業於半部。

趙普本傳曰：太宗時，普曰：臣用論語一半佐太祖，一半佐陛下。致太平及堯，開寶得論語二十篇。

田千秋取鈞衡於一言。

漢書曰：田千秋無他材，能衡樂，特一

言竊主，旬月取宰相，世未有也。毛詩曰：尹氏大師，秉國之鈞，實維阿衡，實左右商王。

問鈞魚於磻溪。尚書中候曰：呂尚釣磻溪，得玉璫，刻曰：姬受命，呂佐旌。

已知正惠之大用。

唐漢詩話曰：呂端參知政事，上一日宴後

苑，上作鈞魚詩，賜之詩曰：欲餌金鈞珠，未達磻溪須問鈞魚人。既而端遂拜相。

變威鳳於瑞聖。

白氏六帖曰：威鳳有威儀也。少昊氏立，有鳳爲瑞，故以鳥鳴官。

遂傷楊收之見識。

廣本事詩曰：楊收薛逢同年也，收作相，逢

作詩曰：須知金印朝天客，同是沙湜避路人。威鳳偶時皆瑞聖，應龍無水謾通神。收叩之。

景佺詭辭於秋花。

唐書曰：武后嘗季秋以梨花示宰相，以爲祥。衆賀，杜景佺曰：臣位宰相，助天造物而不和，臣之咎也。頓首請罪。武后曰：眞宰相也。

味道入賀於春雪。

唐書曰：武后時三月降雪，蘇味道以爲瑞，率羣臣入賀。王求禮曰：宰相受理陰陽，季春雨雪，乃災也。果以爲瑞，則冬月雷，詎爲瑞雷耶。

半臂入夢。

炙轂子曰：半臂乃內官，寶參

服無脊縫，今爲禮服。

被股肱之衣。漢宣帝志曰：貞元中，賈參爲御史中丞，嘗一夕夢德宗召對於便殿，以錦半臂賜之，客解曰：半臂者，被股肱之衣也。五

釜賜銘，鍾繇受心膺之托。

三國志曰：鍾繇，魏國初建，拜相國，文帝在東宮，賜繇五熟釜，銘：暮風夜，匪遠安處，百僚師師，皆效虔度。

范魯公喜傳衣鉢。

聞見錄曰：范質舉進士，主文和凝也，愛其文，以第十

三登第，謂質曰：君文宜冠多士，屈居十三者，欲君傳老大衣鉢耳。質以爲榮，獻詩云：從此廟堂添故事，老來衣鉢亦相傳。後果爲相，又洛中紀異曰：和凝爲相，封魯公，終太傅。范質亦封魯公，終太傅，可謂得其心印也。又古禪師語錄曰：五祖召盧行者，告曰：迦葉尊者，屢轉至遼摩，以至於吾，今以法寶及所傳袈裟付於汝，有偈曰：有情來下種，因也果還生。無情既無種，無性亦無生。遂與衣鉢法寶也。州使君問五祖曰：會中有五百僧，不付衣鉢，爲甚？却付與盧行者。五祖曰：會中有五百人，四百九十九人會佛法，唯有一人不會佛法，他則悟道，謂之過量。戴至德樂紹箕裘。唐書曰：戴至德，乾封中遷侍郎，閉十數年，父子繼爲宰，相禮肥曰：良治之子，必學爲農，良弓之子，必學爲箕。王儉斜簪，暮風流於江左。南史曰：王儉爲

尙書右僕射領吏部，伊解散幘斜軟臂朝，朝野慕之，相與效。儉常謂人曰：江左風流宰相，惟有謝安。蓋自況也。晉書曰：謝安性好音樂，弄功不廢樂，又於土山營墅，樓館林竹甚盛，每携中外子姪，往來遊集。

文穆夾袋，紀人才於囊

中。唐書曰：宋呂蒙正，夾袋中有冊子，每四方人營罷謁見，必問其有何人才，隨即疏之，朝廷求賢，取之囊中，故公爲相，文武百官，各稱其職。

玄成取相以明經，鄒魯傳黃金之謬。

漢書曰：韋賢爲丞相，少子玄成，

復以明經歷相，故魯謬曰：遺子黃金滿贏，不如教子一經。王且宅揆於亮采，魏野寄赤松之詩。

司馬溫公詩話曰：真帝西祀，王且從行，魏野貽詩曰：四祀東封俱已了，如今好逐赤松遊。且累求退國老，談苑載詩與此。

小異，列仙傳曰：赤松子神農時雨師，服水王，後得仙去。漢書曰：張良封萬戶，位列侯，愚妄人間事，欲從赤松子游耳。

杜鵬舉列名於一碑。

嘉話錄曰：唐杜鵬舉，父夢有所之，見一大碑，云是宰相碑也，已作者金填其字，未作者列名於上，杜

問曰有杜家兒否曰有任自看之記得姓下其鳥偏傍虫脚而忘其字乃名鷓舉后果拜相舉生鴻漸而名字亦前定矣

馬裔孫啓兆於二筆

太平廣記曰五代馬裔孫赴闕宿選府有神祠夜夢神手授二筆及爲翰林學士裔孫以爲契

夢筆之兆及入中書上事

古槐動絲竹之響徵入相於省中

因話錄曰唐鄭尚書省南門有古槐垂陰至廣相傳夜深聞絲竹之音省中即有入相者俗謂之音聲水

御爐祝琉

璃之瓶空揚名於海內

五代史曰唐廢帝欲擇宰相問於左右皆言虛文紀姚頤有人望廢帝因悉書清望納琉璃瓶中夜焚香祝天以筋挾之首得文紀欣然相之

祖瑛曠職季舒與衣冠之

評齊書曰祖瑛徙光州程稽置地下夜以蕉葉子爲燭眼爲所薰由是失明侍中崔季舒嘗謂瑛爲衣冠宰相

韓公元勳歐陽咏鍾鼎之贈

歐陽脩作韓琦畫錦堂記曰公出將入相勳勞王家而措天下於泰山之安可

謂社稷之臣矣其豐功盛烈所以銘彝鼎而被絃歌者乃邦家之光非閭里之榮也

國史纂諸葛之佳傳公道誠心

蜀諸葛亮傳曰先主卽帝位亮曰丞相其輔朕之聞助宣重光以昭明天下評曰亮之爲國也撫百姓

示儀軌約官職從樞制開誠心布公道可謂識治之良材

宸翰表司馬之神碑忠清粹德

長編曰司馬光爲政逾年而病既沒其家得遺奏入紙上之皆手札論當世急務御筆表其墓道曰忠清粹德之神

平章事

逢吉許一郡於秦藩心已溺於玉帶

漢書曰蘇逢吉爲司空平章事貪贖貨財無所顧避時秦王從職至闕下逢吉乃遣人求先人玉帶且以一郡許之從職辭以無有逢吉乃市一帶價數千緡使從職償直

李愚書六典於粉壁志徒切乎金鉉

唐書曰李愚爲平章事性剛介往往形言然無人唱和者但舉六典之舊章書之粉壁其經緯大略全無所施唐李暉讓表曰銀青貴服金鉉重名勳績無聞豈宜濫及

斥

輔國之姦。裴冕忠甘於截臂。

唐書曰：裴冕爲僕射平章事。李輔國求爲宰臣。帝以未允朝望。輔國又譖冕。裴冕已。帝嘗謂裴冕曰：卿欲薦輔國信乎。裴冕曰：初無此事。吾臂可截。宰相不可得也。華入奏。帝喜曰：冕固堪

用。劾盧杞之佞。李勉直奮於啓心。

唐書曰：李勉以檢校司徒平章事。時帝起盧杞爲刺史。問勉曰：衆謂盧杞姦邪。朕顧不知。謂何。勉曰：天下皆知陛下獨不知。此所以爲姦邪也。時聽其對。尚書曰：啓乃心沃朕心。趙

光逢慎行謹微。縉紳仰明教之宗主。

五代史曰：趙光逢爲平章事。嘗有女。其寄黃金一盤。後亂離。女真委化。他上金。無所歸。乃納於河南尹張全。議請付諸宮觀。蓋光逢兩登廊廟。四退丘園。百行五常。不欺閭閻。縉紳

感仰。以爲名教宗主。

文潞公博聞多藝。虜使歎天下之異人。

宋言行錄曰：文彥博平章軍國重事。契丹使耶律入覲。望見公。輒改容曰：此潞公也。耶。所謂以德服人者。聞其年。曰：何壯也。蘇軾曰：使者見其容。未

聞其語。綜理庶務。雖精練少年不及。貫穿古今。專門名家。不逮。使者拱手曰：天下異人也。

盧程入門。騶導動登樓之視。

五代史曰：盧程自觀察判官拜平章事。受命之日。卽肩輿。騶導。喧拂。帝聞。呵導之聲。詢于左右。對曰：宰相

擲子入門。帝駭異。登樓視之笑。

李現爲相。宣詔立去榻之規。

唐書曰：故事。宰相不預政事。堂遺客。惟元載見中官宣詔。乃引之昇政事堂。仍致榻得之。李現爲相。卽令去榻。服虔通俗文曰：牀三尺五曰榻。

參知政事

蘇威進諫。悉除銀鉤之奢。

隋史曰：蘇威參掌朝政。見宮中以銀爲慢鉤。因盛陳節儉之美。以諭上。上爲改容。彫飾舊物。悉命除毀。

魏徵納忠。遂獲佩刀之賜。

唐書曰：魏徵知門下書事。詔朝

章國典。參議得失。他日宴羣臣。帝曰：納忠諫。正朕違。爲國家長利。徵而已。雖古名臣。亦何以加。親解佩刀以賜。

奏事知台輔之國器。

晉公談錄曰：呂端爲參政。趙普嘗語人曰：吾觀呂公奏事。得嘉賞。未嘗喜。遇抑挫。未嘗懼。亦不形於色。真

台輔之會食愧官長之拂鬚。名臣遺事曰：丁謂參知政事，嘗會食於中書，有鬻汚中書器也。寇準題謂與拂之準曰：君爲參預大臣，而與官長拂鬚耶。度量寬弘，李昉不校一錢之毀。

公榮求曰：李昉素與盧多遜善，多遜知政事，遂謂昉於上前，人言於昉，昉曰：盧與我厚，不當爾。後盧敗，昉知政事，及盧事昉頗爲揮解之上，因言曰：盧多遜常毀爾不直一錢，昉始信。上由此益重昉，常曰爲善人。參議朝政，世基得預五

貴之稱。隋史曰：蘇威，宇文述，裴度，裴溫，虞世基，參掌朝政，時人稱爲五貴。寶爾陟官，因賈瑛之面折。宋職源曰：寶爾與賈瑛同奉太宗府中，太宗常與諸王府射瑛稱贊而多嬌，詎爾叱之，後爲參知政事。太宗謂曰：爾

何以至此。對曰：陛下以藩邸喜恩至此，太宗曰：非也，爾嘗面折賈瑛，賞爾之直耳。彥博奏凱，聞裴度之褒詞。宋職源曰：慶曆中，貝川兵反，參知政事文彥博請行，上欣然

橫身討賊，爲中興宗臣，有奉使絕域者，四夷君長必問度之年齡，其威名播於僭俗，爲華夷長服也如此。古弼挫劉樹於圍棋。後魏書曰：古弼爲參知政事，方欲奏除滅苑圍，遇太武

以與百姓。益公法稚圭於上殿。宋言行錄曰：周益國文忠公必大除參知政事，上曰：近見卿遇事殊不依違，執政之於宰相，事體非遠，自當和而不同，公曰：韓琦歐陽修，殿上日有所爭，退則愜然無間，最爲可法，稚圭韓琦字也。宗道

魚頭挺直，無媿退思之巖。宋言行錄曰：魯宗道參大政，樞密事，曹利用恃權驕橫，公屢折之，時貴戚用事者，莫不懼之，目爲魚頭參政，因其性直，言骨鯁如魚頭也。又國老閑談曰：宗道爲執政，管一小室，畫山水，朝退獨坐，謂之退思

巖。崔湜馬上吟詩，堪誇上林之苑。唐書曰：崔湜執政，年三十七，容止端雅，文詞清麗，嘗暮出端門下天津，馬上吟詩曰：春還上林苑，花滿洛陽城，衛安漢舊儀曰：上林苑，廣三百里，離宮七十所，皆容千乘萬騎。李沆

莊重，侍宴贊美於貴人。宋職源曰：李沆嘗侍曲宴，太宗目送之曰：黃中賢能，賦詩寵及於孟母。東都事略曰：賈黃中兩知

李沆風範端凝，眞貴人也，俄除參知政事。

賈舉，揀拔寒俊，號爲無私。

又掌銳選品，藻精當，上知其才，拜參知政事。召見其母王氏，賜坐，語曰：「教子如此，真所謂今之孟母也。」因賦詩以美之，賜予甚厚。列女傳曰：孟軻母三徙，孟子學而歸，母問學所至，孟子自若。孟母以刀斷機曰：「子之廢學，若吾斷機。」孟子懼，勵學不息，遂成名儒。李焜

上表，集木勳光寵之榮。

李燁讓表曰：有命自天，光寵喻量，如集于朱，啓處夫圖云。

蕭瑀誦詩，勁草挺板蕩之變。

見上御製注。

開府儀同三司

秩比三台。

前漢天文志曰：三台六星，兩兩而居，在人爲三公，在天爲三台。

著於常袞之制。

唐常袞加杜冕制曰：禮隆八命，秩比三台。

班同六府，徵於袁宏之詞。

袁宏漢記曰：馬防位逾九卿，班

同三府，三府三公也。此云六府未詳。

致君似臯夔，純仁寄情於吟詠。

宋范純仁上開府詩曰：三紀中書更有誰，致君幾舜似臯夔。頻年力請方歸第，天子臨軒冊太師。

軍事留孫楚，杜甫托

意於贈言。

晉書曰：孫楚才藻卓絕，爽邁不羣。年四十始參鎮東軍事，遷著作佐郎。復參石苞驃騎軍事，杜甫贈歌舒詩曰：今代麒麟閣，何人第一功。軍士留孫楚，行間讓呂蒙。

侍宴酒酣，盡節憶台鉉之夢。

陳書

曰：文帝時，陳章昭達授開府儀同三司，帝夢昭達升台鉉，及旦省之，及侍宴酒酣，顧昭達曰：痛憶夢否。昭達曰：臣當效犬馬之勞，以罄臣節，自餘無以奉饋鉉鼎耳也。

西巡駕轉，讓齒誇原州之榮。

後周書曰：李賢遷開

府儀同三司，太皇西巡至原州，幸賢第，讓齒而坐，行椰飲酒禮。

德慙古人，孝嗣斂容於聞詔。

齊書曰：徐孝嗣加儀同三司，聞詔斂容，謂左右曰：吾德慙古人，位登袞職，將何以堪，固辭不受。

信著蠻貊，何稠

懌悅於宸衷。

李肇國史補曰：隋何稠爲欽州刺史，宥猛方欲爲逆，請身入朝，稠與之約，詣京師，後猛入朝，上大悅，曰：何稠著信蠻貊，乃至於此，以勳授開府。

開府濫於齊君，權重關鷄之號。

北齊書曰：後主

騶縱無度，濫得富貴者數萬人，開府千餘，儀同無數，馬及鷹犬，乃有儀同之號，鬪鷄亦號開府。

冊命加於蔡子，門詔行馬之施。

晉中興書曰：蔡謏免，詔加儀同三司，遣謁者孟洪就加冊命，謏上疏陳謝，遂以疾篤不朝，詔賜

几杖，門

施行馬，目送白雲，拜承明而未果。

漢書曰：嚴助拜會稽太守，與書曰：君厭承明之虛勞，侍從之事，懷故土，出爲郡吏，久不聞問，具以春秋對。

心馳紫路，登文石而莫由。

漢書曰：梅福上

書曰：恩登文石之陛，涉赤墀之塗，坐壽平生之愚慮，無益於時，有遺於世，此臣願所以不安，食所以忘味也。二聯又出江總謝表。

李穆厚報於隋皇，後嗣羨執笏之衆。

見上太師註。

華虞見嫉

於韓壽，終身恨進爵之遲。

王隱晉書曰：華廙爲太子少傅，河南尹韓壽買后妹，欲以女配廙孫陶，廙拒不許，深以爲恨，故不登台司，疾篤乃進光祿大夫，儀同三司。

特進

梁適望重，膺賜駟馬之榮。

後漢書曰：梁適以女立爲皇后，加適位特進，賜安車駟馬。

汝陽位尊，時聞九鵬之詠。

杜甫贈汝陽王詩曰：特進羣公表，天人夙德升，霜蹄千里駿，風翮九霄鷗，學業

醇儒富，辭華暫匠能，筆飛鸞雙立，章翻鳳姿騰。莊子曰：北溟有魚，其名曰鯨，化而爲鵬，水擊三千里，搏扶搖而上者九萬里。

曹勝推薦名士。

後漢書曰：曹勝加位特進，其所進達皆海內名士。

公心樂於茅茹。

易曰：拔茅

連茹，夔

趙典尊爲國師，儉德徵於瓦器。

謝承後漢書曰：趙典尊爲國師，位特進，雖則布衣，瓦器而食。

德裕進疏，竊效寶融之功。

唐李德裕謝狀曰：榮亞三公，品居第二，自

非學深張禹，功重寶融，則何以齊是寵章。後漢書曰：寶融既平匈奴，威名大盛，而位特進。

陰識直言，深慕仲山之節。

司馬彪續漢書曰：陰識位特進，入則極言正諫，嘗慕仲山甫匪躬之節。毛詩曰：蕭蕭王命，仲山甫將之，夙夜匪懈，以

事一階崇二品。除謝國策制曰。大政定議於家居。漢書曰：張禹離居家，以特選爲天子師，國家每有大政，必與定議。位次三公。後漢書曰：樊宏位特選，次三公。高年特見

於優禮。後魏書曰：刁雍拜特選，以耆年特見優禮。杜老廣飛筆聳立之詠。見上子壽與佩絨太平之詞。唐張九齡上姚合書曰：大見信用，絨纒特選，仍踐其位，赫赫三車，躬佩

其絨，曷日太平絨設也。

留守

樊子蓋以備禦著績，別造玉符。隋書曰：煬帝幸遼東，命樊子蓋東都留守，屬楊玄盛作逆，攻城子蓋備禦有功，帝勞之比郭汾

陽以勤勞成勳，遂膺鐵券。唐職林曰：郭子儀爲京城留守，變生倉卒，賴子儀復安，帝曰：子儀固社稷臣，用城中督戰，還謗劉

錡之能。宋言行錄曰：劉錡領兵赴東京留守任，抵順昌府，報虜已陷東京，公親於城釐下肅清。漢司馬遷傳曰：待罪釐殺下，顏

服太初之路。宋史曰：李沆字太初，眞宗朝，戎人寇邊，幸鄆，沆葉少蘊結強兵以據險。宋言行錄曰：葉夢得字少蘊，留守建康，

馬家渡，虜果以輕兵來犯，覺有備而去。願少連請閑田以利民。房玄齡臥總留臺，深感蕭何之詔。唐書曰：房玄齡

閑田以利民，號良吏。

守京師。詔曰：公當蕭何之任，朕無西顧之憂。凡糧械飛輪行留，悉遵裁之。

李大亮職司宮鑰，無忝周勃之稱。

唐書曰：太宗幸洛陽，李大亮副房玄

齡居寺，玄齡稱有王陵周勃節，可倚大事。漢書曰：周勃爲人，木強敦厚，高帝以爲可屬大事，以勃爲太尉。

延賞著治行於五年。

唐書曰：張延賞爲東都留守五年，治行第一。

楊瓊總政事於六府。

職官分紀

曰：隋楊瓊居守，帝謂之曰：六府事殷，一以相付，朕將遂事東方，無西顧之憂。

西京燧燈臺之送。

歐陽脩歸田錄曰：但諺云：趙老送燈臺，一去更不來，不知何謂。後天聖中，有尙書郎趙世長，求爲西京留臺御史，有輕薄子送以詩云：此同真是送

燈臺，世長惡之。竟卒於留臺。

春園悲桔槔之閑。

莊子曰：鑿木爲機，後重前輕，挈水若流，其名桔槔。通俗文曰：機汲曰桔槔。溫公詩話曰：韓琦罷相，守北京，新進多凌慢之，公鬱鬱不得志，作詩曰：花去曉驚蜂蝶亂，雨勻春圃桔槔閑。時稱微婉。

漢墨三秋，禹錫詠旌旗之行色。

劉禹錫送裴留守詩云：行色旌旗動，軍聲鼓角雄。漢墨三秋，胡沙萬里空。白氏六帖曰：旌旗以表貴賤也。

人間一品，居易歎牙戟之雄聲。

白居易寄裴留守詩云：天上中台正，人間一品高。豹尾交牙戟，虬髯捧佩刀。馮鑿事始曰：開元禮一品施十六戟。

杜暹督役於城池。

唐書曰：杜暹，帝幸，以暹爲留守，暹率當番衛士繕三宮城浚池，役不少懈，帝賜書褒勞。

荀積

關安平宗社。

晉書曰：荀積，留守京師，沙門法秀謀反，積收掩畢，獲太后曰：宗社獲安者，實賴之功也。

王翊蒞職，東都謹器械之脩。

唐書曰：王翊爲東都留守，市勁勵良鐵以爲兵器，簡練士卒，吳少誠叛，東

畿之人成大陛辭，西軒臨清坐之處。

東都事略曰：淳熙中，范成大留守江東，陛辭，詔明日辭，遣德殿賴之。特設几開宴，酒三行，命侍行過西小軒，曰：此朕清坐處也。再坐。

尙書令

識書三儀，足徵張安世之能。漢書曰：張安世以父任爲郎，天子行幸河東，嘗亡書三篋，詔問其能，知唯安世識之。後購求得書以相授，無所遺失，奇其材，擢爲尚書令。揚職萬機，宜玩邢子才

之表。北齊邢子才謝表曰：揚職萬機，三獨尊於專席。後漢書曰：尚書令主贊奏事，搥領紀綱，無所不摠，與司八座比於文昌。

摥任百揆，權衡庶物，準的羣僚。

隸校尉御史中丞朝會皆專席而坐，京師號曰三獨坐。

分紀曰：後漢有六曹尚書，并一令，一僕射，謂之八座。魏有五曹與二僕射，一令，謂之八座。隋百官志曰：尚書出納王命，數

奏萬機，政令之所由宜，選舉之所由定，斯乃文昌天府。劉白知表曰：八座比於文昌，二丞方於管轄，苟非稱職，竊位與譏。

正朝廷，百姓歌仁明之德。後漢書曰：郭賀字壽卿，爲尚書令，百姓歌唐仲謙公立法制，京師號治身之嚴。唐約字仲

令，自典樞密，數有直言當公法，不阿所私。京師號曰：治身無嫌，唐仲謙劉祐截曲剪邪。後漢書曰：劉祐拜尚書令，正羊陟旌賢退惡。後漢書曰：羊陟拜尚書報書

諭意深源，遺空函而招尤。晉書曰：殷浩恒溫欲以浩爲尚書令，遣書告之，浩欣然許之，將辭疾非誠，謝朓乘小車以就

席。南史曰：梁武帝起兵，及建鄴平，徵謝朓爲尚書令，朓辭脚疾，不荀彧應召，坐處留三日之香。魏志曰：荀彧爲尚書令，持節押

虜拜謁，乃角巾肩輿，雲龍門謝，詔見於華林園，乘小車就席。荀彧應召，坐處留三日之香。登高蟬而趨武帳，謝郁

披公劉季和嘗曰：苟令。晉書曰：裴秀爲尚書令，創制朝儀，廣陳刑致戒於敬容。梁書曰：何敬容爲尚書令，後以罪免職，復爲金紫光祿大夫，舊時門客，喧嘩如昔，會稽謝郁致書戒之曰：昔君侯納首

加首鳴玉在腰，同豐貂以步天馬，雙高蟬而趨武帳，不以此時薦才拔士，少報聖主之恩，令人猶有踵君侯之門者，未

必皆感慕懷仁，冀君侯之復用也。君侯宜杜門念失，無有所通。

給弱馬以獵西河。太武嘆於古弼。

北史曰：後魏古弼爲尙書令，太武將校獵於西河，詔以肥馬給騎人，弼給弱者。太武怒，欲斬之，屬官惶怖，弼告之曰：「今北

狄孔熾，南虜未滅，故選肥馬備軍，實爲不虞之慮。苟使國家有利，吾寧避死乎？」太武聞而嘆曰：「有臣如此，國之寶也。」

出遊郊野，止駕納申屠之言。

後漢書曰：申屠剛，涇陽人，爲尙書令。光武常欲出遊，剛以鷹犬未平，不宜宴安，遂諫

不聽，遂以頭軼乘輿輪，遂止。

案行文書，回車慚陳矯之計。

魏志曰：陳矯爲尙書令，帝幸至尙書門，矯問曰：「陛下欲何之？」帝曰：「欲案行文書。」矯曰：「此臣職分，非陛下所宜臨，若不稱職，則請就黜。」帝聽，回車。

中書令

銅印軺車。

晉輿服志曰：中書令銅印墨綬，進賢兩梁冠，袴朝服，佩水蒼玉乘軺車。

鸞臺鳳閣。

事文類聚曰：隋唐以來，除改百官，必有諱勅，而其制蓋須申中書門下省，故劉樹之曰：不經鸞臺鳳閣，何謂之勅。

大令小令。

時稱王珉之紹休。

晉陽秋曰：中書王獻之卒，以王珉爲中書令，世稱大王令。小王令，珉父洽，前爲中書令，珉復紹父，人以爲奕世令聞。

同車異車，人誚和矯之高抗。

曹嘉之晉記曰：初中書令常同

車入朝，至和矯爲令，苟最爲監，矯意高抗，專車而坐，乃使監異車，自此始。

嘉貞推薦，乃拔四俊之才。

唐書曰：張嘉貞薦中書舍人苗延嗣、呂太一、考功員外郎嘉詳、殿中侍御史崔訓，皆位清要，當時稱曰：令君四俊，苗呂崔員。

陳淮從容，遂起五郎之號。

晉諸公讚曰：陳淮爲中書令，張華爲監，與華俱處機密，每詔書，先示華，乃方措意，書中號淮爲中書五郎，其從容如此。

屏風隔坐，紀隲明分於趨朝。

曰：紀隲爲中書令，隲父亮爲尙書令，每朝會，語以屏風隔坐，宣威肥曰：隔以雲母屏。

綠野築堂，裴度優游於宴樂。

唐書曰：裴度徙東都留守，加中書令，時宦寺擅威，度不復有經濟意，乃治第東都，又午橋創別墅，中起涼臺，

館號綠野堂。與白居易劉禹錫爲文章。把酒窮晝夜相歡。不同人間事。

樞要統領。夏侯獻感激於鷄樹之譏。

郭頌魏晉世語曰。劉放。孫資。共典樞要。夏侯獻。心內不平。殿中有鷄棲樹。二人相謂。此亦能幾。指譏

放資也。

中書陟官。荀公曾發怒於鳳池之奪。

晉書曰。荀勗自中書監爲尚書令。人賀之。乃發怒曰。奪我鳳池。何賀之有。

張說撰封禪於應召。

唐書曰。上東封還。張說爲尚書

右丞兼中書令。詔設撰封禪壇頌。刻之太山。以誇成功。

馬周焚奏疏以縉名。

唐書曰。馬周爲中書令。臨終。索陳事表章。手自焚之。慨然曰。以官察彰君之過。求身後之名。吾弗爲也。

漢南布衣。憂色形於

任重。

唐書曰。岑文本始爲中書。有憂色。母問之。答曰。非勳非傳。貴重位高。所以憂也。或勸其營產業。乃嘆曰。吾漢南一布衣。徒步入關。今位宰相。俸稍已重。尚何殖產業耶。

殿中金鑑。忠言進於壽筵。

唐書曰。張九齡爲中

書令。時天長節。百官上壽。多獻珍異。唯九齡送金鑑。錄五卷。言前古帝王興廢之道。上賞異之。